




硃批諭旨

趙弘恩奏摺下





硃批趙弘恩奏摺



雍正十二年六月初十日江南總督趙弘恩謹

奏為恭謝

天恩懇准

陛見事六月初九日准吏部咨文奉

上諭趙弘恩著實授江南江西總督欽此移咨到臣隨

天恩恭設香案望闕叩頭謝

闕叩頭謝

恩訖竊臣至愚極陋識淺才微四載楚南涓埃未報兩

江事務甲於天下以臣之庸暫署或可勉力圖公

硃批諭旨

下

趙弘恩



久任必致拮据覆餗貽誤重任實非淺鮮臣雖庸  
愚之至尚有自量之識聞  
命自

天惶悚無地捧咨驚惕寤寐難安惟有謹遵

諭旨凡事不可預存難易之想但勇往直前秉忠循理  
辦去罄此心血夙夜靡寧以仰副

聖訓於萬一倘至心神竭蹶圖維力絀而實不勝任之

時再行據實直陳虔懇

聖恩另簡賢員以副重寄斷不敢少存繫戀之心以誤  
國計民生之重大者也三省要務有必須面請

皇上指示以開茅塞以益封疆者仰懇

聖恩准臣於十月初間親詣

闕廷敬聆

聖訓庶犬馬戀

主之心得遂仰

聖瞻

天之願矣蒙

恩允臣所請其總督印務應否嵇曾筠魏廷珍暫署之

處併請

皇上訓示遵行臣趙弘恩謹



皇奏

覽奏謝可謂詞能達意矣然不在空言惟務實行為要  
同日又

奏為恭謝

天恩事臣蒙

御賜翎冠悅心集

御選語錄寧細袍褂紫金錠等藥臣恭迎郊外虔設香

案望

闕謝

恩跪領訖欽惟我

皇上聖學淵深窮微洞本

慈訓剴切破礙開蒙頂禮

御冠目睹紅燦珠光之瑞手擎雀尾心生鳶飛魚躍之

歡

上方降異品之香咀味頓忘暑癘內織極天工之巧衣

聖身永錫安寧誦

語錄冊而識生滅俱無臣愚有欲透三關之想讀

悅心集而知虛靈不昧臣愚有頓開百障之思仰欽

道妙菩提選前禪而擇要敬思

機原本分啓後學以破叅臣質庸愚妄希解脫

殊批諭旨

下

三

趙弘恩



聖恩高厚特賜提持惟有齋心虔誦認性求源期由善  
因以招慈果謹遵

殊批太上所謂忘其身而身存之  
諭旨矢公矢慎竭此血誠以仰報

聖恩於萬一耳爲此恭謝

天恩謹

奏

斯事無他不過自究自心之道耳如果篤信研求必有  
所見一有真見自然默會非倚仗語言文字而可明者  
亦非向人取討指證而強以爲是者誠能造詣不疑境

界自有一番真實解悟處汝信及此一事肯盡力體認  
乃極妙之舉百無所妨試勉力參究看

同日又

奏一江寧於六月初四初五日連得大雨四野霑足

聞

甚副民望惟省城一時積水深至三尺有餘城墻

些須坍塌民間土墻房屋亦坍塌數十餘戶幸各處

溝渠堰於二月間行令修浚深通雨畧停歇立即

消洩無遺所坍塌城垣應即修補房屋各戶亦已賞

恤亟虔誠祈晴仰仗閭閻斯水豐稔恐難尅期

聖恩自初六起已連獲晴明亟復細查各鄉高田禾苗

殊批諭旨

下

四

趙弘恩



聖恩得雨倍茂低田久插之禾爲雨瀰漫旋即消落惟  
最低田內初插之禾間被泥水漫壓恐難復長詢  
之農民僉云此地原有紅稻歷係六月十五前後  
栽插其漫壓之處補插紅稻秧苗仍有收成理合  
聞近日江省雨水過多朕心深爲慮念將確實情形備  
一井奏  
聞細分晰具奏以聞  
其  
奏一江省前有數縣呈報蘆葦叢中蝗蝻萌動旋即  
撲淨等情今據揚州府知府蔣嘉年等報稱各處  
蝗蝻俱已捕淨且五月十四五日連得風雨二十  
一二等日風雨間作衝無遺類督令人夫尋至蘆

聖主葦深處蝻子皆抱草自僵等語准仍通飭不時搜  
聖節防外合再奏

好聞

奏一安徽省屬貢監生員盛朝等呈請分闈臣查事  
屬難行惟照順天鄉試之例上下兩江酌量分額  
取中似爲妥便已與撫臣王紘面商經王紘備晰

奏會摺奏請

王紘識見似屬迂執爾意以爲何如  
聖訓理合陳明

奏一臣奏摺歷係實封夾板進

皇呈仰懇

殊批諭旨

下

五

趙弘恩



皇上賞賜摺匣六箇竝西洋鎖鑰以便輪用封

奏更爲慎密理合奏請

睿鑒謹

奏

摺匣應早行奏請何乃遲至於今

同日又

奏爲江南港渠亟宜普修以全水利以廣

皇仁事竊照江南水利屢蒙

聖諭普加修浚仰見

聖主軫念民依有加無已臣查淮揚諸河及通州開壩

現經興修完備蘇松常鎮之婁江吳淞江白茆徐  
六涇劉河七浦河等處并各閘亦俱蒙

皇上命發帑金興修完竣商農樂利萬世蒙庥惟民田  
以內一切支港小渠萬派千尋皆承流於大河通  
聯於潮水旱則引潮以灌田苗澇則歸河以消積  
水關係竝重其利亦溥祇因港渠旣多地更深僻  
工程碎雜費用零星故歷聽民間自爲修濬難以  
一一動帑興修無如小民勤惰不一年久竟同道  
旁築舍潮沙積漸淤塞日甚臣經臨蘇松常鎮一  
帶留心察勘在在皆然必須卽爲逐細疏濬一律



深通庶港渠湖河內外暢達旱澇兼資同收鉅效  
博採輿情無不樂於興舉查江省歷來私派貼費  
陋規每縣盈千累萬今臣清釐酌革民力已得寬  
舒所有此等土壩土洞似應卽從今冬爲始勸民  
循照舊例按田派土業戶給食佃戶出力逐一興  
修明白開導勸督之下百姓諒必踴躍趨事至此  
項工程查有部員程夢瑛謹慎勤勞實心辦事可  
以總理相度臣亦加意察督其分任更需多員方  
能細爲查勘逐加勸諭現在州縣各有刑名錢穀  
諸務各府同知通判州縣佐雜并試用等官亦各

有本任事件及別項緊要工程差委難以分身且  
恐濫差書役需索擾累再四思維惟有倣照河工  
及前署督臣尹繼善辦理海塘將情愿効力之人  
題請赴工之例有生長沿河及曾任沿河因公呈誤  
之員或向隨工員在河料理熟習河務及熟習風  
土之人具呈情願効力者考驗確實

題請差委如能勤慎任事工竣

題明酌量錄用倘有怠玩卽行叅處又蘇松沿河塘  
路坍塌行旅艱難民田亦少保障或勸民力并修  
或動公項支應亦須漸次經理臣已備行藩司查



案妥議俟覆到另爲具

題但臣識見短淺未知當否理合先行奏請  
聖訓遵行爲此謹

奏

覽奏已悉具題到日有旨

雍正十二年六月二十五日江南總督臣趙弘恩  
謹

奏一江西積欠錢糧雖非江南數十萬可比然多者  
每至二三十萬少者亦至數千上下其積欠難清之  
弊祇因平日推收不清戶名不確凡糧戶已經完

納者竝不逐日按戶掛銷甚至實徵冊止列每都  
每圖總數一條竝無花戶完欠細數流弊年久業  
戶疊更無從根究交代之時因循接受臣訪聞此  
弊疊經嚴查申飭已往者務宜設法徹底清釐其  
新糧尤貴拔本塞源力除錮弊在案

此弊

亟應盡力革除

一江西清查積欠案內有已經查出之包侵銀兩  
先經撫臣謝旻

題請再限一年完交如限內不完卽照包攬侵盜錢  
糧例治罪未完銀兩著落失察各官分賠臣查包  
侵銀兩自展限以來完者甚少留心訪察類多年



老貧窮無力完交從前府縣各官漫無覺察難以寬縱臣已經嚴飭布政使將失察各官造冊請叅著落分賠庶免年久無著俾現在各府縣亦稍知儆惕矣

一積欠錢糧率多零星小戶僅止數分數釐者前經廷議准行每銀一釐聽從民便准收制錢一文此誠便民省費良法乃姦胥以完錢既無從壓戩重收而銀匠更無從傾銷勒索遂造謠言以錢價貴賤之說往往阻撓更張臣查定例銀錢兼收原零星尾欠聽許完錢從民便竝未令大戶一概完錢如果完銀較省則

方官權宜之舉則可若至奏銷時自仍照例題報銀兩小民自必交銀孰肯用錢完納如完錢省費聽彼數日斷未有以錢代銀之理此在汝等酌量為之非朕自願又何必禁止臣照例刊示通行曉諭務令聽從民便此不獨姦胥銀匠無從勒索而積欠中之零星尾欠小民亦必踴躍完納矣

一江西山僻州縣類多棚民耕山種地日漸開墾陞科且棚民之糧較土民完納尤先安居樂業讀書愈眾凡入籍二十年以上者雍正九年荷蒙

皇恩准其額外考試入學在案臣訪聞土著佻達豪強之輩多以異籍之民遇事欺陵臣思棚民入籍既久又復急公完糧卽屬良民豈容若輩欺陵臣推



廣

皇恩一視同仁現在密諭藩臬二司轉諭各府州縣加  
意撫綏化導務期彼此相安共享昇平之福爲此

謹

奏

覽

雍正十二年七月初六日江南總督臣趙弘恩謹

奏一江寧六月初四五及初九等日雨水過多臣卽

查勘賞恤并太平寧國常州鎮江等府呈報雨水

大概情形一例查辦緣由俱經繕摺具

奏今臣細查上江寧國等府州屬之南陵太平臨淮

和州涇縣六安全椒及下江鎮江等府屬之丹徒

丹陽六合江浦金壇句容江陰昭文通州溧水等

十餘州縣受水稍重俱有被雨浸塌房垣之家通

州泰州兩分司所屬各場草房鐵舍亦有衝塌臣

又飛飭分委幹員攜帶公項飛往會同地方官細

查窮民窮竈分別賞助修整俾各安居樂業間有

浸塌城垣營汛墩房亦在督修竝此外上江繁昌

蕪湖當塗桐城無爲鳳陽等州縣衛下江之儀徵

武進無錫元和吳縣太倉等州縣衛各被淹低窪



田地俱在嚴催委員上緊會勘撫恤一面將已涸  
出田地俱令補種紅稻晚稻仍有秋收本年二麥  
已獲豐收民食原屬充裕恐間有食指浩繁因而  
籽種缺乏者俱勸業戶幫給或動公項賞助務期  
鄉農亦得安業并將是否成災之處星飛覆報江  
西之浮梁彭澤上猶三縣呈報山水亦經飭司查  
恤此外有無被水之處并令通查去訖有等地棍  
劣衿刁軍惡佃動輒串捏詭名架砌重情號召鄉  
愚紛紛告災意在抗賦冒賑減課騙租此等積習  
兩江尤甚竝飭印委各官詳加查察總期秉公據

去實不得絲毫諱捏庶窮黎咸沾實惠帑項不致虛  
糜再江寧地方自初十日至今天氣晴明各屬有  
稱十一十二日大雨者有稱二十一二十二日大  
覽淹浸各情形深為憫惻被災窮黎亟須設法賑恤務  
去雨者除被水州縣沿江低田尚未退盡外其餘州  
令獲沾實惠嚴飭屬員毋得虛應故事  
縣稻苗茂盛雨水充足合并陳明  
一准工部咨奉

旨嚴拏行賄作弊之學習行走張豐功臣密行各屬指  
示設法嚴緝已據廣德州州判孔傳樞拏獲臣隨  
奏飛飭嚴押赴省卽行給咨解部并飭沿途文武小  
心遞護所有要犯張豐功現經拏獲起解緣由理



合

奏明

一松江府屬民人常有逞兇打降之徒且多蓄藏鐵錘拳心等兇器以致遇事爭鬪命案疊見此風誠難漸長臣已嚴行示禁并令自繳鐵器倘再怙惡不悛卽行摘拏嚴懲理合

奏明

一下江揚州等屬前報蝻子萌動旋卽撲捕及蝗蝻因風抱草自僵等情形節經摺

奏茲據上江之靈璧虹縣各報上年被水湖地之內

產有魚子晴涸日久變化爲蝻分路撲捕緣六月二十一日大雨生蝗之地又復積水成湖蝗蝻多浮水面現在涉水撈捉已獲十之六七等語臣恐有捏飾怠忽隨又選差臣標守備四員分往該二縣協查督捕務期刻日捕淨以免貽害田禾理合

奏明謹

奏

觀蝗蝻十獲六七之說仍屬未盡其竭力督飭該有司務俾撲滅無遺倘少涉疎慢致令飛揚爲害則責歸汝等大吏也毋忽

殊批諭旨

下

三

趙弘恩



同日又

奏一田房稅契定例由布政司印發契紙契根聽民  
 買用填納乃聞有不肖州縣官役將契根藏匿不  
 令上稅之人親填於收稅之後起解稅根之時任  
 意更換戶名短填銀數仍肆侵隱民間偶有爭訟  
 呈驗契紙比對底號常至互混不明拖累尤屬可  
 汝緣不肖州縣藏匿侵隱起見以為不如契發舖戶聽  
 憫臣擬做照錢糧聯串之式將司印契紙契根騎  
 民買用為便此意雖善殊未料及舖戶作弊即與州縣  
 縫之上刊明字號仍空留人名及稅銀數目概發  
 等其更換戶名各稅銀數各弊皆能徹底杜絕耶況循  
 行已久無益之更張徒滋紛擾可以不必務本之道無  
 舖戶聽民買用立契之時即將紙契紙根一樣書  
 寫并於騎縫空處將買戶典戶姓名上稅若干楷

過察吏安民無不始息不計收命碑得久玷職  
 寫大書投縣用印之後分中縫開一給上稅之人  
 任剝削黎元等後細弊端不除自止矣  
 聖俞一隨稅銀彙解查核庶藏匿契根與改多填少之  
 從來有治人無不法者  
 弊可杜現在飭司酌議理合恭請  
 於枝葉送地  
 皇上訓示如其可採并乞  
 敕行各省畫一施行

奏一臣查上江之南陵縣地方向有潘茂先崇尚三  
 乘教又名糴粃教其實即係羅教茂先久故近聞  
 伊子潘玉衡又在合肥縣民夏公祥等家往來意  
 在煽惑復教當經合肥縣將夏公祥等拏懲而潘  
 玉衡先已他往臣以事關邪教隨密委安徽道梁

殊批諭旨

下

十三

趙弘恩



需祀於潘玉衡原籍并各處設法躡拏務獲究治  
有無黨從惑衆之人嚴拏并處如有無知男婦偶  
墮其術者許令自首改正庶根株可淨地方寧謐  
理合先爲

奏明

欽奉

諭旨著臣切諭張勤望洗心滌慮痛改前非等因臣隨  
調寧國府復任知府張勤望到省宣揚

聖諭張勤望跪聽之下稟稱八年京職未有片長初膺  
郡守徇庇屬員種種不職例應處分荷蒙

皇上垂念先臣曲賜矜全惟有凜遵  
恩旨恪守官箴不敢再負

聖主殊恩等語臣又切加誠訓爾父爾叔行爲萬萬不  
可效法當卽令其回任仍不時申訓密察理合

奏明謹

更宜留心察其向後行爲倘悖終不悛弗能奮勉爲一  
良吏據實奏聞至若無恙不過猶可陳懇者但時加訓  
飭以成全之

雍正十二年七月二十一日江南總督臣趙弘恩

殊批諭旨

十四

趙弘恩



謹五十二年十月二十二日

奏一欽奉

殊批王紘識見似屬迂執爾意以為何如欽此臣見王  
頂紘兩次會與細論地方之事誠如

聖諭為人迂執但曾作知縣藩臬其於吏治頗覺諳練  
王紘非率忽人也所慮者瞻徇與否可再加審觀具奏  
查其現辦事件皆恪守成規亦無瞻徇率忽之處  
以聞

理合據實奏令其回任

聞主和恩善語日又因賦性剛直父而外行為萬萬不

恩旨一欽奉

殊批聞近日江省雨水過多朕心深為廑念將確實情

形備細分晰具奏以聞欽此臣查江寧府六月初一

至初三日小雨初四初五大雨兩晝夜方停初九

日大雨餘日晴明并各府屬有云初三初四初六

奏初九十一十二二十一二十二等日大雨河滿溝

平近河近湖窪下之田多被淹浸俱經節次奏

聞在案又查下江山田四分中田三分窪田三分經臣

奏節次查詢俱云窪下之田多半退出山田茂盛之

至等語上江山田多半中田窪田共居少半沿河

之田農民年年預防多備黑稻以為補種之計目

今兩江窪處凡退出田土俱已補種其尚有積水

殊批諭旨

下

五

趙弘恩



者統俟退清方可定局其民間浸塌房屋俱經差  
員查勘確實分別賞恤又各屬米價一兩以上至  
一兩三四錢不等人民安業合并陳明謹

奏

覽奏知道了

雍正十二年八月初六日江南總督臣趙弘恩謹  
奏一據鳳陽道李如蘭稟稱經過懷遠鳳陽臨淮靈  
璧宿州虹縣今歲年景土人俱稱十分豐稔往歲  
僅收六七斗者今歲可得一石秫秫粟穀現已成  
熟稻苗雜糧各皆茂盛又聞潁亳泗等屬亦頗相

同間有水淹之處非逼近淮河卽地勢窪下原於  
奏豐年無礙等語又據差察賑恤同知蘇士俊等稟  
覆相同僉云上下江各屬高中田地禾稻雜糧現  
在暢茂結實理合奏

聞絲毫不可粉飾

一上江靈璧虹縣蝗蝻萌動臣飛委標下守備四  
員分往協捕今已據報乘其未曾長成之時俱已  
撲淨禾苗毫無傷損臣仍飭地方官不時察防外  
理合奏

聞已悉

殊批諭旨

下

共

趙弘恩



開 一三省倉庫恐有虧那例應不時盤察其州縣已  
經報支報解銀米臣又訪有壓批遞那掩蓋之弊  
隨經嚴行察攷昨已查出泰州阜寧二州縣有虧  
那壓批情事當即會叅一面又行藩司移飭該管  
道府各將所屬錢糧倉穀上緊察盤如有虧缺弊  
混即行詳叅追補如無未清亦限兩月結報臣仍  
密加察訪倘道府稍有回護扶徇自當另委隣道  
涓涓不塞流為江河毫末不扎將尋斧柯防微杜漸之  
隣府遞盤庶防微杜漸各員知做理合  
語是

奏明

一上江茶引每引例徵紙價銀三釐三毫各屬官

役人等額外苛索使費每引合算竟至二三分及  
錢餘不等經臣訪聞隨即嚴飭通行禁革以甦商  
累以清額餉合并陳明謹

奏

除弊即是恤商恤商方能裕課此舉好

同日又

奏一欽奉

上諭江蘇等屬多雨其加意撫綏從前動用倉穀作何  
買補或將漕米截留若干以為備用等因查江蘇  
等處本年雨水稍多低田間被浸損而高中田禾



實有豐收之象其被水人戶臣已酌量資助節次  
奏明又慮新穀未登市價增長并令將倉穀破例多  
糶賣動用以及現今多糶之穀江南戶口殷繁低  
田收成又薄自應俟秋成仍於隣省產穀地方買  
補但恐一時採買過多有妨隣省民食隣省之價  
一昂則商販自不能流通來江江省亦必因而受  
累若得量截漕米以備將來湊糶之用或將被水  
州縣漕糧酌量折徵則米存於民其倉穀可以相

聖旨已欽遵  
機酌買各省民食均足而蘇松常鎮大修渠港臣

硃批具題俟部覆一到即便舉行各該屬窮民可以趁  
工謀食又遇米多價賤家口亦得分潤飽餐但漕  
糧攸關

天庾重計亦未敢遽議多留容臣與漕臣魏廷珍撫臣  
高其倬等再加察議或截留或折徵酌量確數另  
行會奏請

旨理合先為  
斟酌允當會奏以聞  
奏明



奏摺 臣摺奏兩淮鹽務套壓情形荷蒙

諭旨指示周詳臣當與鹽臣高斌和衷協力善為經理其緝私一節在於嚴場竈邊隣私臣已節次申飭并咨會湖廣河南浙江督撫臣一體察拏嗣訪有大東竈戶私頂場役梟徒鑽充鹽快暗通煎運并拏獲鹽犯混援貧難捏稱獨子希圖開脫等弊又經咨行極力剔除其常鎮蘇松例行浙鹽地方亦有淮私透擾臣仰遵

聖訓大公至正之意并經檄飭堵緝務期各行各地私販盡淨官引暢銷於商民均有裨益合再稟

奏明謹

奏

兩淮鹽務須大費經營汝與高斌竭力整頓殫心籌酌

奏同日又

奏為恭謝

天恩事切臣接兩淮鹽臣高斌札致荷蒙皇上恩賞養廉三千兩欽此當即望

闕叩謝詒查江南總督養廉歷任督臣俱皆敷用而臣家口頗少食用亦儉凡有親友不過少為資助其

殊批諭旨

下

十九

趙弘恩



案切賞兵及製辦營中器物粘補衙署差委盤費  
關甲等事之外約計尚有盈餘現在難以扣定統俟將  
皇上來另行查清奏兩處批旨  
聞前據運使尹會一稟請鹽務養廉一事經臣切諭無  
奏庸議

奏臣思疊荷

皇恩報稱彌難現在養廉尚屬浮多何敢濫邀

曠典已飭運使存貯運庫俟有公事需用之時再行支  
取奏取應用永為成例其於

國計民生均有裨益為此恭謝

天恩謹

奏

此在汝酌量為之亦不宜儉約過當涉於矯廉

雍正十二年九月初九日江南總督臣趙弘恩江  
寧將軍臣吳納哈副都統臣伍納策謹

奏為

奏明事竊查前督臣高其倬臣吳納哈臣伍納策會  
奏江寧滿洲水師添設船械大事欽蒙

皇上硃批具疏題請欽此臣趙弘恩到任准前督臣高  
其倬密交接辦亦經



奏明在案今臣等公同細加商酌查原

奏請添脚船二十隻現隨修造沙船各本案添造至  
沙船一切器械內如火箭火斗噴筒綿被平時不  
需操演久貯恐防霉爛應緩製造其修換應用礮  
位添製籐牌牌刀挑刀共估工料銀二百四十六  
兩零飭司卽於兩淮屯船陋費銀內動支造辦所  
有原請添設平頭小哨船六隻係因江中間有港  
汊沙灘沙船難到吧嘍船雖能行走船小頭尖不  
勝風力起見今沙船現添脚船二十隻送錨坐簾  
其港汊沙灘吧船偶爾遇風難行此脚船亦可抽  
吧嘍船有輪屈拆造者再行

駕應用操習巡防已俱便利則平頭哨船一項可  
以不必重設現在節省銀一千七百餘兩俟將來  
吧嘍船有輪屈拆造者再行  
題請照依平頭哨船式樣酌改數隻亦屬可行所有  
江寧滿洲水師脚船器械現今酌量添設并哨船  
此時毋庸重設緣由臣等謹再會同據實

奏明伏乞

聖鑒爲此謹

奏

所議合宜

殊批諭旨

下

主

趙弘恩



江南總督臣趙弘恩謹

奏爲奏

聞事竊照江蘇等屬本年六月初旬雨水過多低田被淹房垣間有坍塌臣仰體

聖慈酌量賞助平糶查勘撫綏疊經奏聞在案現今高中田地頗有收成其水退稍遲間有不能補種之窮民可於豐收之家相幫刈割餬口然各屬戶口本蕃其中自有老弱疾病不能食力及傭工肩挑無處又無資本貿易之戶若概俟冬初開賑則此時卽有忍饑之苦臣於委員勘水之初

卽經飭令會同印官留心查賑昨又密飭各道員順便親加撫恤但查賑之法務極周密救饑之道寧厚勿薄更宜及時勤加料理又聞淮徐等屬近亦晴雨未均臣敬體

皇上浩蕩天恩隨又選差候補文職標下備弁共二十五員臣俱面爲細加訓囑令其分往各該州縣衛場徧加查看遇被水之地再爲宣布皇仁逐戶撫慰使各勤工謀食其有老弱疾病不能工作及傭工肩挑無處又無本貿易艱於粒食之戶該委員立卽會同印官於縣庫不拘何項動支酌



賑再加接濟以俟籌議煮賑其縣庫墊用之銀冊  
報之日仍於司庫公項發補竝飭有力可支之家  
不得藉端攪擾劣衿地棍不得冒災生事又示勸  
富饒之家推重桑梓或借給資本或幫助米糧量  
力樂從俟查明臣卽厚獎數多者具各道風潮  
呈題議敘事關民生重務惟有恪遵  
聖訓悉心籌畫隨時經理切實撫綏總期黎民均無失  
所恐厯

聖懷理合再爲奏

聞謹

奏

此奏是其印委各員勤加訓飭務令實力爲之

同日又

奏爲奏

聞事竊臣風聞徐州府屬銅山縣胡家口地方有李郭  
兩家搶奪高糧各統百人執持鎗械互相打降李  
姓用鳥鎗打死郭姓二人郭姓用長槍戳死李姓  
一人其餘死而復甦及身受重傷者亦復不少似  
此雀角微嫌輒敢糾聚多人私用火器兵械肆橫  
殺傷戕害人命大屬不法隨於八月十二日飛飭



司道府營查究嗣於十八日據銅山縣報係候選  
州同李縉糾領佃戶打手多人爭割秫秫起釁等  
語臣又細訪李縉係直隸督臣李衛堂弟而郭姓  
以及縣民皆稱李縉弟兄素恃顯宦佔奪民業屠  
害鄉里等語衆口如一臣思李衛受  
主深恩竭誠報效素無瞻徇亦無偏曲斷不敢縱容族  
人肆行無忌以干

國典是以臣又據訪飭行務期秉公執法窮究既不  
使姦豪逞志欺凌良懦亦不得因係宦弟故爲屈  
奏抑庶

國法昭彰而人心咸服矣臣未敢隱匿瞻顧理合先  
爲奏

聞謹

聖奏

此事經李衛屢次備紙奏聞於朕從前命李綺終養之  
旨正爲此而發也於李衛奏摺中批諭甚悉且曾令伊  
密寄江省督撫臣閱看余事已到案汝其揆情酌理秉  
公執法審理具奏

雍正十二年九月二十二日江南總督臣趙弘恩

奏謹奏

殊批諭旨

下

臣

趙弘恩



奏爲奏明事竊照寶應縣知縣李松泰因承緝不力  
降一級調用奉  
旨令臣等將伊居官如何之處出具考語送部引見欽  
此臣查李松泰才具練達辦事勤慎不負尹繼善  
薦舉之意隨經出考會同蘇撫臣高其倬給咨赴  
部一經

聖鑒賢否立定但李松泰係臣堂妹之夫臣既不敢以  
親謬舉亦不敢因親屈抑理合據實奏

聞若仍作臣屬員臣雖恪遵

聖訓不敢稍有瞻徇或李松泰借勢肆志及遇事退縮

或司道府徇情庇護及故意苛察皆未可定請俟  
李松泰引

見之時如非能員例應調用如可任用州縣伏懇

聖恩用於別省庶李松泰得以盡力圖公將來或有造

具就咸戴

聖恩無既矣爲此謹

奏

候引見時酌定

雍正十二年九月二十八日江南總督臣趙弘恩

奏漕運總督臣魏廷珍蘇州巡撫臣高其倬謹



奏爲遵

旨會議具奏事接大學士鄂爾泰張廷玉寄字內開雍正十一年七月十一日奉

上諭昨朕聞得江南常州府屬之無錫金匱等縣鎮江府屬之丹徒丹陽等縣蘇州府屬之崑山吳江等縣俱因六月雨水稍多禾苗有被水淹浸者目今水勢漸退高田尚可補種而低處積潦未消時過小暑已難栽插等語朕欲寄信與趙弘恩令其早爲籌畫今覽趙弘恩奏報江寧及蘇松常鎮揚州等屬多雨情形與朕所聞大概相同已據趙弘恩奏稱飛飭地方

官細加查勘酌量資助爾等可再傳朕旨令其加意撫恤毋使窮民失所朕又思江南地方既有積水未曾栽種之處恐將來收成歉薄米價漸長民食維艱不可不預爲計議聞蘇常各屬從前糶賣動用倉穀尚有未經買補足數者此時應作何買補之法以實倉儲或將明年漕米截留若干以爲備用可密寄信與趙弘恩令其會同高其倬魏廷珍酌量本地情形悉心妥議具奏請旨欽此密寄到臣臣趙弘恩臣魏廷珍臣高其倬會查得江蘇省屬本年三麥頗有收成至六月初旬雨水偶多高中田禾俱可豐收



惟低窪田地被水淹浸內有旋淹旋涸之處卽經  
資助補插其積水未消之田秋成未免失望荷蒙  
聖恩特諭加意撫恤補倉截漕令臣等酌量議奏仰見  
聖主預籌民食至周極溥之至意臣等細查現今勘有  
倉成災區留之州縣係上元江寧長洲常熟昭文新  
尚陽陽湖無錫宜興金壇丹陽溧陽溧水靖江通州  
不句容江陰泰州江浦六合等二十州縣然各該州  
會縣內俱有豐收之區畝竝非合邑被水其勘不成  
災之元和吳江震澤婁縣崑山青浦福泉武進金  
官匱荆溪丹徒太倉鎮洋泰興如臯等十餘州縣高

田旣獲豐收低田亦有收成民食更覺無礙但江  
蘇一省戶口本蕃儲備必須寬裕查從前未買足  
數并動糶各穀石今雖勒令照額買補現存倉穀  
僅八九十萬石臣等仰體

聖慈再四酌議請將雍正乙卯年起運雍正十二年漕  
糧截留二十萬石內於成災二十州縣各就近截  
留一萬石或六七千石其不成災之各州縣亦每  
縣量留三四千石將來市價稍有增長卽將此米  
平糶將價銀解部繼此又有倉貯及續買穀石以  
爲後應是被水地方民食旣可常年有餘通省糧



價更可致昂貴咸頌

聖主特沛浩蕩天恩實無涯際臣等謹合詞具摺陳奏是否有當伏乞

皇上訓示再查成災田地該徵新舊條銀若卽行徵輸小民不無拮据似應緩至來年麥熟啓徵其雍正十二年應納漕南等米災田米旣乏收民力現難輸將似應併懇

聖主格外施恩緩至明秋折納其不能工作貿易無錢糴食之窮民已動公項酌賞不致失所但寒冬初春須得量動倉穀接賑此數事亦成災二十州縣

內現今實在情形臣等敬體

聖慈理合一併據實陳

奏統乞

聖鑒特敕遵行謹

奏

另有諭旨從內閣頒發

江南總督臣趙弘恩謹

奏一城垣關係緊要稍有坍塌卽須修補其藉端冒銷積習更須嚴加清釐臣到任之初查得省城城垣向有坍塌缺昨值六月初旬大雨浸淋又有零星



續坍之處隨經飭委府縣及在城同知通判公同丈估茲據覆稱江寧省城城垣周圍五十七里三分計一萬三百一十四丈內新舊坍塌每處數尺及丈餘十數丈不等合計實共坍塌墻垣三百八十一丈零井門圈一箇將舊磚逐細全行清出抵費用則物料大可撙節臣現飭動公項上緊興修另行遽實報銷仍令同知通判監督又委標員日逐往還巡視以杜匠役侵料偷安等弊則工費亦可節省臣仍不時查督務期如式堅固歲內完竣庫帑有問亦宜加意節省毋使糜費

奏明

一江省案件類多經年不結上江嚴參數員之後高其俸於此江蘇一任若仍因循故步持其下愚不移各屬漸覺知儆而下江尚多闕茸每至限期臨眉心志以濟陰點自固伎倆一味市恩務做好好先輒於正案正犯之外巧生枝節或稱尚有證佐某素人未齊或稱又有某項情由尚須關查應以人文不知省情即據實參奏以聞

正臣現在嚴行查參并明立章程掃除積習其各屬盜案或隱匿不報或借盜銷案或任意縱延不緝不審臣亦在加意查催參懲其弁兵有諱縱最甚者提拏細打以懲積玩至於小竊案件官弁兵



奸

捕視為無關叅罰更多悠延臣檢查檔案江寧一府所屬自雍正六年至今通詳批緝未經報獲賊賊者即有三百七十餘件一府如此各府可知小竊不懲必致流而為盜臣亦嚴行通飭作速徹底清查嚴行緝審去訖理合

奏明

一私鑄錢文剪燬制錢等項姦徒臣不時嚴督察拏昨風聞安徽省屬繁昌縣深山之中有種姦徒潛匿私鑄臣隨飛飭文武密往確查尚未覆到又據江西按察司稟稱於南昌省城拏獲剪燬制錢

之徐旭生等已飭縣審等語臣亦飛飭嚴究夥黨

擬報并再通飭上緊察拏去訖理合先為

奏明

蘇松淮揚等處拐犯甚多迷拐幼孩肆行販賣

甚至割其肢體戕其性命臣到任以來疊飭文武

察拏并懸賞躡緝已經拏究數案茲又據川沙營

叅將暨南匯縣呈報盤獲拐犯王大等并被拐割

筋子女及船隻等項訊據直供食肉食腦殘忍之

奏惡殊堪痛恨臣隨嚴行究追夥黨併拏擬報其兵

役人等臣已給賞以示鼓勵并又通行各屬留心

殊批諭旨

下

三

趙弘恩



查捕務淨根株理合示竣備查又嚴行各屬留心

奏明謹具詳聞

奏准于文及諸事等項以肅刑直封會肉食剛氣

兇殘同類其惡甚於豺狼當嚴督緝捕務淨根株毋留

餘孽遺害人世

雍正十二年十月初六日江南總督臣趙弘恩謹

奏為奏

聞事竊照江蘇安徽二省雍正十二年秋禾收成數

催據各該司詳報前來查江蘇省江寧府屬收成

十分者十之二九分者十之二八分者十之二七

分者十之二六分者十之一五分者十之一蘇州

府屬十分者十之三九分者十之一八分者十之

二七分者十之二六分者十之一五分者十之一

松江府屬十分者十之三九分者十之五八分者

十之一七分者十之一常州府屬十分者十之一

九分者十之二八分者十之四七分者十之一六

分者十之一五分者十之一鎮江府屬十分者十

之二九分者十之三八分者十之二七分者十之

二六分者十之二淮安府屬十分者十之四九分

者十之三八分者十之二七分者十之一揚州府



屬九分者十之三  
八分者十之五  
七分者十之二  
徐州府屬十分者十之一  
九分者十之二  
八分者十之三  
七分者十之四  
六分者十之五  
五分者十之六  
四分者十之七  
三分者十之八  
二分者十之九  
一分者十之十  
太倉州屬九分者十之一  
八分者十之二  
七分者十之三  
海州屬九分者十之四  
六分者十之五  
五分者十之六  
通州屬九分者十之七  
八分者十之八  
七分者十之九  
六分者十之十  
二六分者十之一  
三五分者十之二  
安徽省安慶府屬收成九分者十之三  
八分者十之五  
七分者十之六  
六分者十之七  
五分者十之八  
四分者十之九  
三分者十之十

九分者十之一  
八分者十之二  
七分者十之三  
六分者十之四  
五分者十之五  
四分者十之六  
三分者十之七  
二分者十之八  
一分者十之九  
國府屬九分者十之一  
八分者十之二  
七分者十之三  
六分者十之四  
五分者十之五  
四分者十之六  
三分者十之七  
二分者十之八  
一分者十之九  
太平府屬九分者十之一  
八分者十之二  
七分者十之三  
六分者十之四  
五分者十之五  
四分者十之六  
三分者十之七  
二分者十之八  
一分者十之九  
廬州府屬十分者十之一  
九分者十之二  
八分者十之三  
七分者十之四  
六分者十之五  
五分者十之六  
四分者十之七  
三分者十之八  
二分者十之九  
一分者十之十  
鳳陽府屬十分者十之一  
九分者十之二  
八分者十之三  
七分者十之四  
六分者十之五  
五分者十之六  
四分者十之七  
三分者十之八  
二分者十之九  
一分者十之十  
滁  
州屬十分者十之一  
九分者十之二  
八分者十之三  
七分者十之四  
六分者十之五  
五分者十之六  
四分者十之七  
三分者十之八  
二分者十之九  
一分者十之十



三七分者十之三和州屬九分者十之二八分者  
十之三七分者十之三六分者十之二廣德州屬  
十分者十之二八分者十之五七分者十之二五  
分者十之一六安州屬十分者十之一九分者十  
之一八分者十之二七分者十之三六分者十之  
二五分者十之一泗州屬十分者十之一九分者  
十之三八分者十之四七分者十之二潁州屬十  
分者十之二九分者十之二八分者十之三七分  
者十之二六分者十之一亳州屬收成實有十分  
至本年二省各有十餘縣內被水田地未曾計入

分數又江蘇等屬民間食米現今每石價銀九錢  
員至一兩二三錢不等安徽等屬米價每石七八錢  
更至一兩一二錢不等禾稻收成糧價平減百姓俱  
土備各安業合併陳明爲此謹

奏

命歲兩江地方除被水數縣外秋成豐盈如是  
天恩可謂溥矣其未能普被均沾者究係吏治不純之故  
當盡力開導屬員俾化誨兵民各修職業果能文武和  
衷竭誠奉公行伍整齊閭閻安阜而

上蒼不賜嘉應無是理也然總在汝一人正己率屬庶幾



上行下效於此若纖毫疑而未信視爲渺茫則屬庸愚無識之人矣勉之

同日又

奏爲奏

聞事接大學士鄂爾泰張廷玉寄字內開雍正十二年  
癸九月十六日奉

上諭前據趙弘恩奏屬員摺內曾稱江南吏治廢弛  
現在留心整理等語至其省屬內所有才守兼優之  
員尚未見伊奏所以昨出揚州江寧知府二缺朕恐  
伊正在整理試看之際京中又現不得人是以令王

儲士俊於河東兩省內揀選具奏或趙弘恩未必領會  
朕意爾等可傳旨密諭知之至伊三省屬員內所有  
確知可以陞用之員著伊隨時摺奏欽此密寄到臣  
臣敬謹捧讀惶悚涕零仰見

聖主憐恤下情無微不至於如此周細之至臣雖愚  
劣之極亦未有不觸目動心感奮激切者益惟罄  
此心血毫無瞻顧時凜於

天地神明之前以仰副

皇上鼓舞訓誨之至意者也臣自抵任以來見江省吏  
治廢弛上下欺朦於中摘其尤者嚴行叅處立即



通行三省俾得共知戒懼時而札諭時而面訓婉轉剴切竭盡心思已歷八月之久而尚有邳州知州呂大雅私收麩稅三千餘兩丹陽縣知縣甯承謨任意婪贓亦至三千之多經臣訪實

題叅在案江南官民率多虛巧詐僞習氣已久原難驟爲改易其中固有才守兼優之員臣旣鮮洞悉之明又何敢遽爲深信保薦臣惟不時留心聽言觀行不敢稍有疎忽俟有實心辦事公忠報效可以深信之員自當謹遵

諭旨隨時摺

奏不負賢員并勉諸屬共相奮興於

光天化日之下也臣謹據實奏

聞

所奏是舉直錯枉進賢退不肖正乃汝職恐不解朕意因有前諭耳

同日又

奏一兩淮鹽政壓綱之弊臣與鹽臣高斌現在協力漸次清理所有緝私一事臣刻刻訪察刻刻申飭半載以來各屬報獲私販三百八十餘案臣又訪得興化鹽城阜寧泰州一帶地方有艍艦等船假



作乞巧或運糧食蔬菜或帶銀錢布疋等貨至各場竈換買私鹽運至下河卽有姦頑船頭串誘各船索費領幫或十餘隻或二三十隻不等俱至淮安寶應高郵等處賣與地棍搬運過洪澤湖西山各集由僧道橋至青山頭下江發賣或由僧道橋赴天長泗州衛各集販賣又邵伯鎮露筋廟等處亦有頭家收買艚船私鹽過湖大害齷政臣隨飛行道府協營多撥弁兵快役在於總滙要隘處所晝夜巡察盤詰遇有艚船假充乞巧赴場收買私鹽領幫結夥搬運與販立即嚴拏詳究務淨根

此舉甚好清理鹽政惟緝私一著爲根本塞源之道且株如能將領幫積棍拏獲稟報卽行分別獎賞倘可禁  
力督敢庇縱養姦一經察出卽行叅處至於清理場竈盤察引船一切事務尚須次第料理合併

奏明

一李縉與郭姓鬪傷人命一事因聞李縉係直督臣李衛之堂弟臣以李衛必無縱族虐民之事隨飭府縣秉公究審不得瞻顧枉斷亦不得因係宦弟故爲屈抑已經奏

聞在案今准直督臣李衛以李縉之爭鬪又由於伊親兄李綰之授計主使必須併究業經摺奏欽遵



諭旨鈔錄差送到臣隨又密飭府縣等官一體留心  
秉公查拏究擬去訖合再

奏明謹

奏

李縉一事前經批諭第當秉公執法審擬可也

雍正十二年十月十二日江南總督臣趙弘恩謹

奏一據崇明總兵官李燦報稱崇明縣地方多種木  
棉本年棉花收成較往年頗豐其米價亦極平減  
等語又據鳳陽府知府吳同仁稟稱鳳屬高中田  
地收成頗好米穀價平九月內民間望雨耕地種

麥恰於二十一二等日各州縣俱各得雨民情甚  
屬懽忻等語臣又聞三省各府州縣現今米穀價  
值俱平晴雨及時百姓安業其六月被水區畝現  
亦撫綏得所恐厯

聖懷理合奏

朕懷深慰

一雍正九年五月前督臣高其倬任內接准福建

督臣劉世明鈔錄摺

奏水師戰船舵工可否援照外委千把總之例亦准

皇上給隨糧一分等因奉

硃批諭旨

下

三

趙弘恩



皇上硃批此奏好與沿海各省督臣會商行之欽此密  
奏移轉行查議未覆臣到任檢查檔案隨嚴行查催  
去後嗣據蘇州布政使白鍾山查明江省有京口  
崇明狼山川沙吳淞泰州掘港黃浦八鎮營額設  
戰船俱係出洋巡哨向例舵工僅食戰糧一分但  
聖訓此出洋之舵工實爲緊要出力之人與衆不同似  
應仰體

皇仁各給隨糧一分以示鼓勵等情詳覆到臣又卽咨  
商署福建督臣阿爾賽以所議與福建現行之例  
相同咨覆前來臣現在咨明戶部兵部并移行京

口等八鎮營知照理合奏  
可謂給所當給好

鳳陽府屬人民游惰成性不勤耕織每於交冬  
之際多有攜帶婦女離鄉背井出外趕唱謀食不  
特荒蕪田畝更且穢污身名大關風化臣隨嚴行  
出示勸禁并令道府州縣留心察禁務使此等游  
民以及婦女痛改積習循分守業各安故土耕耘  
紡織毋得任聽拋家賤行漫無覺察致干叅究理  
合

奏明謹



奏

游惰之風理應禁止但相沿匪伊朝夕其間有應曲體民情處酌量爲之不宜遽施峻法朕意必先加以勸誡俾各知其所行之非改業謀生有術然後繼以禁約方爲妥協若一旦卽行嚴遏屬員或更奉行不善愚民必致失所且恐罹法者多矣此不可不慮及者

雍正十二年十一月初七日江南總督臣趙弘恩

謹

奏一江省營務廢弛各營戰船馬匹最關緊要臣於五月間經臨蘇常等營親加察驗并飭整理今已

半載而上江江西臣更未及親驗雖差武職往查恐多牽制瞻徇臣今又密委三省附近各鎮標協營之各知府知州親赴各該處將各項船隻逐一查驗額數是否相符船身是否堅固風篷桅索槓具什物是否齊全捕舵人等是否在船勤加苫蓋澆洗如法有無損壞缺少以及怠惰不整之處據實造冊如有赴廠興修者務查明係何月日興修應於何日完竣工料是否堅實其巡哨者亦查明係何日出巡應何日回營一併造冊齎報并令將各額設馬匹逐一查看是否餵養臙壯足數有無

硃批諭旨

下

三

趙弘恩



疲缺開具花名毛齒清冊如有侵缺卽行嚴叅究  
追臣仍一面留心察訪倘府州稍有徇隱臣卽另  
委道員覆查一有實據卽將府州一併叅賠至各  
營將弁臣俱已詳細考驗大半弓馬生疎逐一面  
加訓飭令其加意操習其兵丁技藝臣亦不時申  
飭將弁用心訓練如仍怠忽經臣摘調考驗一有  
生疎軟弱之兵定將將弁一併叅處又本標兵丁  
技藝生疎弓力不過三四箇力經臣時加親驗或  
賞或責鼓勵羞辱之下漸知奮興技藝較前亦覺  
熟練弓力已加至五箇力六箇力矣再各營一切

軍器亦在督令漸次修理以期營伍整齊理合一  
併

奏明

一江省各屬收糧積弊多端臣平時檄飭面訓務  
期革除淨盡茲值開徵南漕糧米之時恐牧令等  
官利令智昏仍復巧索及蠹胥滑役巧計叢生累  
民守候乘機暗剝措勒包折隨又開列條款預行  
出示通發三省徧貼諭禁并屢諭道府不時巡歷  
稽查又恐道府或礙於情面或爲家人衙役得賄  
朦蔽釐剔不淨小民暗受其害并又選差謹慎員



務須遴選得人不可輕為倚信

弁數人分往三省各州縣密查歷次所發告示曾否實貼并暗中看其徵收情形是否悉照條約如有故違或另有弊竇卽行密稟臣仍加意察訪一有實蹟立即嚴叅如差去員弁稍有狂縱洩漏徇私諱捏察出亦卽從重叅懲理合

奏明

一臣風聞鎮江府城內有金壇童生於十月二十六日尚未黎明赴府應考經過旗兵所守柵欄旗兵以未及開柵之時不肯卽開而各童生卽與旗兵口角將柵欄推倒而去又聞有生童旗兵互毆

并羣赴將軍處喊訴之事臣以赴考童生童理應遵循禮法難容逞刁生事隨卽出示嚴諭一面移行確查起釁及有無互毆實情究報理合

奏明謹

奏

生童旗兵當兩懲之方足示公

同日又

奏爲恭請崇祀火神以昭祀典以益民生事竊惟火神見於經傳列於五祀我

皇上懷柔百神京師亦有火神廟宇供奉致祭而外省

硃批諭旨

下

聖

趙弘恩



祇爲民間供奉禱祈未列正祀臣查祀典凡有功德於民與能捍大災大患者皆宜崇祀民間祈禱火神禳除火災頗有靈應似宜仰懇

敕下直省郡縣一體恭祭以展誠敬至火神廟宇各處皆有應令地方官修葺莊嚴如有廟宇卑隘及未曾立廟之處量動公項營建祭品儀注似應做照致祭風雲雷雨山川城隍壇壝之制查現今致祭風雲雷雨諸神遵照部頒祭品每祭需銀二兩五錢今若做行亦請於各屬存公銀內照數動用著爲定額歲底彙冊報銷至每年應否春秋二祀或

應何時舉行并請

敕部定議通行以昭畫一臣識見短淺是否有當伏乞皇上訓示爲此謹

奏伏野合奏

此事汝等封疆大吏酌宜爲之則可敕下直省通行是

何言歟

雍正十二年十一月二十日江南總督臣趙弘恩

謹

奏一江蘇省屬數縣窪地被水荷蒙

聖主大沛恩膏截漕緩徵并將應納漕南等米緩至明

殊批諭旨

下

聖

趙弘恩



聖主秋折納乏食窮民再動倉穀賑濟臣欽奉  
恩綸隨即出示飭發徧曉而被水人民忻聞  
諭旨身沐

洪慈歡呼感戴淪肌浹髓臣十面現在恪遵  
聖諭悉心料理督率有司將賑濟等務實力奉行務期  
被水各戶均沾

恩澤外理合奏

聞覽

一各處私梟有妨鹽政且恐流而為匪擾害地方  
臣訪聞泰興縣之黃橋汎等處興化縣之大村等

處皆逼近兩淮場竈為積梟巨窩出沒之地而句  
容縣更與例食浙鹽之丹陽丹徒等縣接壤向有  
倖梟挑越散賣平日各該地方官弁兵役或受賄  
故縱或畏縮不拏甚屬不合臣隨選差標員并令  
各該地文武嚴督兵役奮勇擒拏今句容已獲梟  
匪犯二十餘名興化已獲梟犯二十餘名泰興亦獲  
梟犯十七名內興化縣梟犯繆瞎子等一起敢於  
逞兇拒捕當有兵丁劉萬卿一名奮力尾追受傷  
身死句容梟犯亦有余孝等一起以挑鹽扁擔拒  
捕經各兵併力擒獲而兵丁胡實一名受傷似此



兇頑梟徒法更難寬若仍交各該地方官承審恐

又因循積習延擱開脫隨一面飛令將已獲各犯

此種巨梟非尋常鹽販可比當嚴行羈禁不可疎忽致

令免脫招解應具

題者臣卽審

題其原非拒捕夥內罪僅徒流者卽行照例批發遣

配以示懲儆其竭力擒拏之員弁兵役俱令動

好效力兵弁應重加獎賞者

支巡費分別獎恤至此此外各州縣私梟積窩亦在

上緊查拏并飭不得妄拏無辜驚擾地方在案理

合奏

聞表

聞表 三省吏治營伍臣惟恪遵

聖訓竭力整理愈久愈嚴以期所屬文武各自警惕漸

而竭力整理初非有意嚴也假如禁之卽止令之卽行

聖諭裕課恤商二者兼善其盈餘等項務宜據實報出

一字何所不用之若乃於法之將存政之初施先存愈久

愈嚴之念則不得稍或存先嚴後寬先寬後嚴之念更誤

矣寬嚴二意豈容逆蓄於衷哉但查慶省屬各關亦會

天地神明盡心循理而行前途總不計料能如此朕可保

終始無咎無往而與撫臣高其倬加意查考昨臣訪聞揚

州關有地棍把持而關役亦有奉行不善之處隨

殊批諭旨

下

器

趙弘恩



經嚴行查究龍江潯墅淮安三關恐有姦商隱漏地棍把持臣亦凜遵

聖諭嚴督地方文武加意協巡而龍江一關近在省會臣准監督咨移又經遴委標員赴彼幫辦巡查更無岐視但三關有無疊索暗侵之處緣各監督俱係內務府人員歷任督撫間多趨承瞻顧臣受聖恩深重不敢稍避嫌怨因循積習亦在留心暗訪倘有實跡亦自另為據實奏

聞合并陳明謹

聞奏

不避嫌怨據實奏聞方是

同日又

奏為據實奏明事竊臣於雍正十二年十月初六日接據江西南昌鎮今陞福建建延鎮總兵官李蔭樾鈔錄摺奏南昌鎮營修理甲械等項事宜奉硃批言之督臣欽此密送到臣查李蔭樾原

奏內稱南昌鎮標前後二營并城守水師二營腰刀請動司庫銀兩打造盔甲旗幟鳥鎗藤牌虎衣虎聖恩帽號衣號帽等項應動公糧鹽規地租修製不敷之銀先於司庫借墊并自行捐補等語臣查江省



各標鎮協營甲械荷蒙  
聖恩准留公糧修製各營已經陸續製造其未經修完者俟續收公糧補修其腰刃亦應於公糧內動支  
不應重費司庫銀兩且庫帑不便擅那兼恐各鎮  
營俱援例請借司庫亦難為繼又查該鎮所估尚  
可核減因李蔭樾旋卽陞任隨令接署南昌鎮事  
康華齡再加查估今催據康華齡等覆稱細查李  
蔭樾估修四營旗幟俱係雍正十年動支公糧新  
製之物棉甲亦有新製者均屬堪用毋庸重造藤  
牌兵丁已有衣帽毋庸換製虎帽虎衣其弓箭鳥

鎗兵丁之號衣號帽歷係各兵自製亦無庸更張  
糜費其餘尚應找修之甲械督同四營將弁覆加  
確估實僅需銀一千九百餘兩李蔭樾原估二千  
八百四十六兩今核減銀九百餘兩等情是應找  
修甲械費銀既已核減應令將現今實存公糧速  
行製造腰刃亦卽動製不敷之銀於雍正乙卯丙  
辰年公糧內陸續修理卽可齊全其李蔭樾到任  
未幾卽勉力捐銀三百餘兩誠屬急公但伊在南

昌僅有月餘奚堪如此重捐臣仰體

應發還者嘉是覽之  
聖慈卽行發還至南昌鎮鹽規并地租及標屬各員鹽



規均可作塘兵鹽菜等用臣先已飭令查議應俟  
另案議辦又

奏稱南昌省城七門雖係城守營撥兵看守每門僅  
兵四五名今將鎮標兵丁撥出二百二十名內於  
七門每門派兵二十五名市口設卡每處派兵十  
名其一切管兼轄仍歸城守現在呈商添設汛  
房等語查李蔭樾欲於每門添設標兵二十名每  
卡添設標兵十名亦屬加謹巡防之意但又將管  
管兼轄考成獨歸城守不特多添汛房糜費帑項  
誠恐標營弁兵視為無關考成並不實力查巡而

城守弁兵特有標兵協查竟致躲閃偷安彼此推  
諉轉致貽誤巡防亦未可定應令南昌鎮嗣後多  
差弁兵輪流在於各城門以及省城內外要地晝  
夜周遊巡查并飭城守營督令原派汛兵實力防  
守各期實濟不得仍效叅革總兵陳王章等之怠  
忽廢弛如違察出嚴行叅究又

奏稱各營親丁倒馬朋銀應歸入騎兵項下湊買馬  
聖主匹以免私朋等語臣查前經江南提督臣南天祥  
以武職隨糧倒馬俱令自行捐補將額領朋銀以  
補營伍買馬不敷之用經臣以買補營馬兵丁互

殊批諭旨 下 聖 趙弘恩



相私朋相沿已久弁兵咸各相安各官親丁准其馬步兼支出自

聖主殊恩使武臣養贍充裕之意親丁之馬卽在營額之內例應餽養足額遇有公務差遣一體撥給應用若將親丁倒馬責令各員自行捐買將弁如果勉力從事則養贍必仍不能充裕倘不卽行買補有名無實任意延缺遇有公務差遣將營兵之馬撥用則苦累仍在兵丁應仍循成規照額領朋購補以實營伍等因

題准部覆於雍正十二年七月初七日奉

旨依議欽遵在案則江西標營自應一例照舊辦理仍飭加意稽查如將弁有額外捏名多領入己苦累兵丁等弊察出卽行照例指叅亦可無庸再議以上三條謹分晰據實

奏明是否有當伏乞

皇上睿鑒訓示施行謹

奏

覽

映

雍正十二年十二月初九日江南總督臣趙弘恩

奏謹

硃批諭旨

下

哭

趙弘恩



奏對江西新淦縣通報謝芳輝倚衿多事統眾抗拘  
種種不法臣到任後隨即查催復經飭令臨江府  
知府等督同該縣印捕員弁量帶兵役設法捕擒  
奏務將首犯獲解江西省城究報一面曉示從前附  
皇上和黨從人等速自投首如執迷不悟一併拏解不  
奏得因循疎縱去後茲據知府薄履青稟稱首犯謝  
芳輝經原署新淦縣知縣葉重熙訪得該犯來至  
沙湖地方伊親皮姓之家隨經密遣下役捕獲解  
該撫常安已會奏聞常安亦係實心任事之臣百凡與  
到江西省城等情除飭將黨犯速獲一併嚴究外  
之協衷共力精勤不懈革除諸弊整理庶務可也  
旨辦理合奏

聞

一據江西南贛總兵官李漣呈稱龍南縣屬小水  
口等處有民人李鳴岐等與廣東爐匠謝乾三等  
燒炭砂鐵現在緝拏等情又據永豐縣稟稱豐邑  
長坑等處近有廣東福建流寓之人淘沙撿石燒  
炭砂鐵鎔鑄營生現在禁逐等情一併到臣臣隨  
飛飭文武一面即行封禁一面嚴究此一起私開  
鐵廠實係始於何日同夥若干立篷設窰共有若  
干座所鑄鐵斤運販何處該地文武平日有無納  
賄縱容情弊據實另報并通行各屬一體留心查



是

禁其有應行開採以利民用之處亦即明白報酌  
不得蔽混理合

奏明

據江西鉛山縣知縣俞士煊鉛山營都司楊兆  
麟等稟稱訪得河口地方有邪教陳大膽當經拏  
獲訊據供稱素習拳棒刀鎗并會符水又稱原係  
江南道人蕭漢文所傳蕭漢文現寓江西省城有  
齋堂經卷名大成教并有綾劄徒弟等語臣星飛  
密飭文武上緊追拏夥黨務期全獲一面將已獲  
之犯嚴加審究飛報毋得絲毫疎縱理合奏

好

聞

亦江西各關侵隱不清臣風聞未確隨密會撫臣  
常安就近細查已經

奏明在案今據查出潯贛兩關各員侵混數目并道  
員劉均等自行首報當即分別會參訖但江西官  
吏廢弛狡詐積習已深此外尚多巧混隱匿勢所  
奏必有除又密札撫臣常安再加徹底根究外臣仍  
不時密察暗訪務期貪蠹不致輕脫合併陳明謹

奏

覽

同日又

殊批諭旨

下

辛

趙弘恩



同日又

奏一江省各營馬匹戰船等項臣密委文員點驗先

經部密察

奏明在案昨經察出京口水師左營額馬缺少及半

臣隨具疏

題參緣該營係隸京口將軍專轄歷來不無岐視以

致虧缺如許其各鎮標協營縱有虧缺或未有如

此之多臣亦在飛催上緊實力驗報倘稍有缺短

亦卽參究務期將弁知儆營伍充實恐厯

好  
聖懷理合奏

聞

一安慶省屬壽州等處民多愚悍前經臣訪有李

盛木等結夥行兇有五岳會之名今已據報拏獲

現在催令嚴審擬報又續訪有嚴寬等數十人因

尚無附和行兇實蹟未便概行株連臣卽將伊等

姓名開列出示使其警醒再稍有違犯亦卽拏究

以免擾害鄉里合併

奏明

一據署崇明縣支本固稟稱據施天一首稱沈姓

大樵山人詩集內有狂悖語句隨拏訊沈自耕供

殊批諭旨

下

五

趙弘恩



稱詩集係伊嗣祖沈倫從前所作所刻沈倫已於  
雍正十二年九月病故今施天一係因爭田挾嫌  
捏首其詩板現存蘇州沈蒼林家等情密稟到臣  
臣恭查奉頒歷年

上諭內有雍正七年六月十五日

上諭敕審逆黨沈在寬一條曾及沈倫之名是否姓名  
字樣偶相符同抑或今被首之沈倫卽係嚴鴻達  
沈在寬之流似未可定除星飛密調詩集原板細  
加檢核并飭提沈自耕沈蒼林施天一等徹底查  
甚是凡似此狂妄之徒自應徹底究懲以靖悖逆風習  
究另行詳晰具

奏外理合先爲奏

聞

江寧省城一帶於十一月二十九日夜大雨三  
十日得雪百姓歡呼俱稱春麥甚屬有益其三省  
各屬得雪積深若干現在催查另報江寧米價一  
兩上下不等各屬米價亦俱平減恐厘

聖懷理合奏

聞謹

奏

覽雨雪米價情形深慰朕之廑念

殊批諭旨

下

聖

趙弘恩



雍正十二年十二月二十日江南總督臣趙弘恩  
謹

奏一江寧省城一帶前月得雪奏

聞在案今於十二月十五日又得微雪又查據江寧蘇  
州鎮江常州揚州安慶寧國太平池州廬州鳳陽  
滁州和州廣德六安潁州泗州十七府州所屬州  
縣呈報於十一月三十及十二月初一等日各得  
雪積厚四五寸及寸餘不等其尚未報到之各府  
州并江西各府所屬地方得雪情形現在查催另  
報合併陳明至現今民間食米上下江各府州縣

每石價值至貴亦不過一兩一二錢且價在一兩  
以內者甚多江西之米每石更僅值七八九錢不  
等三省米價總較向年大屬平減頃據署江寧糧  
道王恕稟稱親至上江一帶督兌漕糧經過太平  
池州安慶等府屬地方目覩米價平減民情安和  
隆冬歲臘之時間閭頗有盈寧熙皞之象道途未  
見貧寒乞食之人大江南北漁火商帆絡繹上下  
咸各寧謐等語此皆

聖主休養生息隆恩疊沛之所致也理合奏

聞以慰

殊批諭旨

下

卷

趙弘恩



覽奏秋慰何似  
聖懷為此謹

奏

一據江西饒州營參將彭肇槐居官何如雖係土

職出身朕觀其才其頗優堪勝副將任不如此以為可用

與何協相宜一併奏聞  
一箇內有印契二張山圖二張借銀十兩之借字

一張又銀一錠重一兩二錢零該二丁義不私取

據實回稟召到失物之徐祝正認領祝正相酬二

丁堅不受謝等情臣查兵丁賈廷鈺朱能拾獲銀

物既不苟得又不受謝同心嚮義甚屬可嘉當即

優獎超拔甚是似此介兵卒能具有重義輕利之心  
獎賞仍飭司移營將賈廷鈺朱能優獎超拔以示

當越格擢授千總以示勸  
鼓勵外其事雖微亦人心風俗淳厚之一驗皆

聖主德教漸摩之所致也理合奏

聞謹

奏

覽

同日又

奏為據實縷晰奏

聞事竊臣欽奉

上諭有人奏稱兩淮眾商情願將所壓綱課如數交納

惟催運稍寬其期則商力既舒辦銷亦易等語若果

殊批諭旨

下

語

趙弘恩



商人先完課銀於國帑無誤則寬其運鹽之期亦何樂而不爲但恐其中別有情由令臣等據實密奏以聞等因欽此臣恭讀之下仰見

皇上至聖至明早知其人之陳奏未必公當確切故欽

蒙

聖恩宣示臣等據實密

聞臣查兩淮衆商運行各省之鹽原係先納課銀後運鹽斤然必須將鹽隨即捆運銷售俾得課本速清方可望其再納次綱之課接運下次之鹽年清年額於

國課商力常有實濟凡屬殷實良商無不自行力圖祇緣衆商之中有種姦頑之輩揚州等處又有一

表班囤窩之人姦商樂於緩運係圖口岸長價以博厚利囤戶利於壓綱係欲囤買殘引而賣貴價江西湖廣等省鹽價每小包向定一錢二分四釐及隨時銷售原屬良法而至貴亦不過一錢三四分乃間或每包竟賣至一錢七八分至二錢不等細查場竈原未缺鹽成本竝無加增此每包多賣三四五分之銀盡飽姦商囤戶私橐而行引口岸每當鹽少價昂其貧寒以及刁滑之民非係茹淡以



待價減卽係貪賤而買隣私銷食淮鹽之月日半  
爲姦商囤戶之耽擱以致分年灑欠歷綱纍壓那  
新掩舊牽混躲閃其課雖完其鹽日積口岸疲廢  
遺累全淮臣於雍正十二年二月清查時庚辛壬  
三綱引目竟尚壓欠四十餘萬癸綱彼時已當運  
行三十餘萬而一引未曾抵埠夫從前已經遞壓  
一綱戊申一綱又分十年帶運  
奏期又已改緩數月今新舊又共壓欠七十餘萬已  
及全綱之半不一二年必又積滿一綱之數斯時  
固若催衆商按綱補運則口岸旣不能一年兼食兩

年之鹽而商力又不能一年兼辦兩年之課若再  
分年帶運則

國課一年應完者必又拖至十年之久且復夾行帶  
備日戍勢必愈難清理倘若竟行截去一綱  
國課卽虧缺二三百萬之多此臣與鹽臣高斌於清  
奏查之時卽深以爲慮者實爲

國課衆商太有關係非專爲督銷考成起見臣等一  
面勸催各商速運舊欠隨卽面據實陳

奏嗣蒙

聖諭又經遍加誥誡據各商感戴

硃批諭旨

下

奏

趙弘恩



皇仁各願踴躍趕運臣等復慮新舊併運引地必致壅  
蹙跌商力恐致拮据又將癸丑一綱僅飭源源運濟  
緩其按限催較其積壓之引則屬萬難少縱致滋  
牽混掩蓋不獨有礙  
奏報之案實有關係

國課誠如赫二三百萬之數臣與臣高斌會  
論旨果於國帑無誤寬期何樂而不爲也細訪此番行  
引地方因緝私日加嚴切轉輸便利亦無匱乏之  
象如此行之三四年則壓欠或可帶銷通完將來  
漸復

奏銷原限并從前所壓一綱或可次第調劑臣等愚  
昧之見採之兩淮商情亦所樂從其有未能盡合  
者乃係貪圖目前厚利之姦商囤戶見其破除痼  
弊不利已私因臣實力圖公難通賄賂於夏秋之  
間布散流言在聞者不悉原委不察近日衆商確  
情不知有關將來

國課故以一面之詞冒昧陳奏緣蒙  
聖主預燭隱微

敕令臣等據實密聞除同鹽臣高斌會

奏外所有前項隱情合併據實縷晰奏



聞臣趙弘恩謹

奏

覽奏已悉議論殊屬通透之至即照此隨時酌宜盡力督理可也兩淮鹽政經汝二人此番措畫而不能徹底釐剔則無可望清晰之日矣勉之

雍正十三年正月十二日江南總督臣趙弘恩謹

奏一雍正九年三月二十一日奉

上諭江安糧道印務著王恕署理其能否勝任之處著高其倬尹繼善程元章時常察看據實奏聞欽此欽遵在案臣到任以來亦即留心察看時加訓飭而

奏該署道王恕感戴

聖恩頗知奮勉潔已清查漕弊甚屬實心其辦理諸務

亦皆勤謹理合據實奏

聞可否准其實授以示鼓勵恩出

有旨諭部矣  
聖裁

一蘇州糧道劉柏居心甚好操守亦潔辦理漕務

奏頗見勤慎理合據實奏

此人原好朕所知者

一上元宣城等縣上年窪地受水荷蒙

聖恩蠲賦賜賑臣力督屬員加意料理務使均沾實惠

殊批諭旨

下

奏

趙弘恩



聖恩臣又密委標員分往查訪具報如有散賑得法者  
即行獎勵稍有扣剋不均者分別叅劾復恐差弁  
如是詳慎庶免欺朦之弊  
狂縱諱捏又另委暗查以期詳慎理合

奏明

三省渡口船戶浮橋橋夫嘗有勒索商旅之事  
臣屢飭地方各官稽查并刊示嚴禁在案而江寧  
閩下地方乃七省通衢歲杪之時更多商民往來恐船  
戶橋夫乘機復勒客商羈阻行旅亦未可定臣隨  
此舉甚好  
又差委標弁每日分查使知儆惕以利商民理合

奏明

一私鑄錢文屢經嚴禁嗣聞上江有種操舟鑄私  
之徒舟中只用泥罐一箇鐵鉗一把即可成錢偶  
聖主聞查拏將鉗罐即擲淺水查過之時仍復取用弄  
巧玩法莫此為甚臣隨即檄飭密捕今又聞江西  
鄱陽湖中亦有此等私鑄姦徒并即密飭該地文  
武躡拏又通飭諸屬各於江洋湖港上緊密察得  
有踪跡立即嚴拏解究其深山曠野之地亦加堵  
捕務期周密使姦徒不致倖脫并移隣省督臣撫  
臣一體查緝在案理合

奏明謹

殊批諭旨

下

堯

趙弘恩



奏

私鑄最害錢法應嚴懲者能如是周密察訪殊屬可嘉之至

同日又

奏一江寧省城一帶於十二月三十日正月初一日連朝得雪積至一尺四五寸之深紳士兵民羣相感頌

聖主念切民依精誠感召所致又稱除夕元旦之辰得此大雪四野均霑時和年豐愈有可望等語臣又飛查各屬現據鎮江常州蘇州揚州淮安徐州鳳

陽太平海州滁州和州等屬亦報俱於正月初一日得霑大雪民間感頌

皇仁異口同聲臣恪遵

聖訓愈加寅畏并勸導紳士兵民益知感悟日歸醇厚以迓

天庥以副

聖慈所有得霑大雪民歌瑞兆情形理合奏聞

聞  
江寧省城地方遼濶商民輻輳今值米多價減之時臣一面勸其加意樽節留心蓋藏而歲律維

殊批諭旨

下

卒

趙弘恩



新聞閣共慶豐豫歌咏太平之事仍復畧聽其便  
用昭和樂不加嚴阻但人煙叢雜恐有竊匪乘機  
為害更恐有回祿之患臣又選差弁員晝夜遊巡  
時加照護以靖地方以衛商民理合

奏明

三省塘汛臣不時稽查整飭而上江至湖北交  
界江蘇至浙江交界一帶江河每值歲杪商船更  
屬絡繹全賴塘汛嚴謹以為保障臣隨又選委幹  
員分往查看告誡使各弁愈知奮勉勤力以護商  
旅咸得寧謐理合

好

奏明

江寧省城現今米價熟米每石價銀一兩一錢  
五分次熟米每石九錢四分糙米每石八錢八分  
歷來民間買食多係次熟米糙米今其價值俱較  
往年平減間閣實有充裕之象又查三省各府州  
屬米價俱平事關民食恐厘

宸衷理合一併奏

聞謹

奏

秉此公忠行去

殊批諭旨

下

空

趙弘恩



上蒼自有明鑒人事盡於下

天道感於上其徵驗有不期然而然者但不可稍萌恣肆  
之念誌之

雍正十三年正月二十四日江南總督臣趙弘恩

謹將買辦平糶開列食志呈

奏一江南地方生齒日繁米糧最關緊要年來疊蒙  
聖主浩蕩天恩截漕改折未雨綢繆上年各處高田又  
幸倍獲收成米多價減理所必然向有蘇州楓鎮  
等處姦牙膽將米糧串賣出洋以致蘇郡及沿海  
秦州縣民食嘗虞缺少卽內地各屬亦因而價值高

騰素爲江省民生大累臣到任後竭力察禁不時  
密訪嗣經察出王二等偷販當卽嚴拏叅究自此  
各處官弁兵役商牙人等愈知儆惕現今江蘇等  
處米價較之往年大屬平減民食充裕戶慶豐亨  
頂感

聖慈浹隨淪肌臣猶恐姦商地棍牙行因其米糧過賤  
輒萌故智茲又刊示徧發嚴禁并再行蘇州府等  
會督兵捕保甲在於米糧聚集之地嚴密察訪并  
令沿海守口員弁在於船隻出口之處著實盤堵  
臣仍不時密訪如員弁兵役奉行維謹卽行嘉獎



倘稍有玩縱或誣拏滋擾立即叅懲務期私販之風全戢民間之米更饒臣一面勸導士民仰體

聖諭加意搏節留心蓋藏預為青黃不接之計漸臻餘

一餘三之慶以副

汝自抵任以來恪勤庶務有何可論第勉始終一轍莫聖主懷保黎元有加無已之至意事關民生重務時塵移此志然亦不必急驟隨時酌宜次第為之

聞

一臣訪聞潁州地方有種遊手好閒之輩矜其膂力逞其兇潑夥稱羅漢尋事搆釁陵害良懦殊屬不法隨即密行拏究茲據署知州高淑曾詳報將

聖諭為首及強悍最著之楊會談成等十名拏獲現在極應嚴行究懲然必虛公詳察果屬確實而後寘之於法確審等情臣隨批飭安慶按察司飛提嚴究結黨

逞兇確情定擬招解并再令該州訪拏此外著名黨羽毋使漏網以安良善理合

奏明

一江寧省城及上下兩江各屬除夕元旦得雪情形經臣

奏明在案今據江西布政使刁承祖呈報江西省於正月初一初二初三等日連得瑞雪積厚四寸之深又九江饒州等處亦皆得雪萬姓歡呼咸稱今



歲春作秋成定獲豐收悉皆

皇上厚澤深仁念切民依所致理合奏

聞以慰

聖懷謹

奏

江右亦獲均霑

天澤深為黎元欣幸

同日又

奏為恭請

聖訓事竊照直隸知州其責同於知府本州事簡民淳

自可兼綜若地處邊要民刁政繁雖有長才實難

勝任如上江之直隸潁州界接豫省地方遼濶錢

穀而外刑名事件數倍他屬似應請將潁州陞為

府治設立知府一員附郭添設知縣一員并酌添

皇上佐雜首領該府除轄附郭一縣并潁上霍邱二縣

外有直隸亳州并所屬之蒙城太和二縣境土與

潁毗連城池相隔俱在百里內外潁州既陞為府

亳州毋庸仍設直隸可與蒙城太和二縣均歸潁

州府管轄共一州五縣在知州知縣既得各辦本

邑事務知府可以統率稽查巡歷整飭於吏治民



風均可望有實效且查潁地適居州縣之中壓彈  
控馭似於形勢亦屬相宜行據司道等議覆前來  
但事關以州改府設縣添員臣未敢據行具

題恭繕摺具

奏是否有當伏乞

皇上恩賜訓示如其可行臣當另爲備晰

題請爲此謹

奏

照議具疏題請

同日又

皇奏一欽奉

硃批江西饒州營叅將彭肇槐居官何如雖係土職出

身朕觀其才具頗優堪勝副將任否如以爲可用與

何協相宜一併奏聞欽此臣查彭肇槐爲人誠實辦

事克勤謹慎小心亦無巧僞可勝副將之任但生

性粗笨若用之於江西上江等協俱可盡其所長

下江兵民巧詐不能照察湖廣四川向所親熟萬

不宜用至於總兵一任不但其才不能稱任亦且

不宜加此重權合併陳明

常熟縣知縣張嘉論因經徵蘆課未完部議革

硃批諭旨

下

查

趙弘恩



職離任

題請留辦吳縣部覆未准今據司道府等皆稱張嘉論爲人謹慎練達前署吳縣首邑於地方諸務甚是留心盡力等語臣查張嘉論實屬幹練勤謹可勝繁劇之員因公廢棄殊覺可惜可否仰邀皇上天恩仍准送部引

見酌量錄用再江寧一邑乃省會劇縣現又缺員或卽以張嘉論帶革職之案署理效力臣因地方人材起見合併據實陳明是否可行臣未敢擅便統乞皇上睿裁訓示遵行

一正月十一日接准部咨奉

上諭聞劉藩長福建布政使任內經手錢糧公費耗羨雜項尚多未清之處著將劉藩長仍留閩省與張廷枚交代清楚再赴江蘇新任欽此臣查劉藩長先於

雍正十二年十二月十七日已到藩司新任當經檄令欽遵去後隨據劉藩長以前任福建布政使任內經手一切正雜錢糧已經移交新司張廷枚兌交明白出有印結至無著確價一項係撥爲巡防臺寨火藥應於公項內咨部撥補透動船工津貼一項係改造船隻詳院批示准給且經咨部公



費養廉各項支放有案藩長奉閩省督撫會催赴蘇已到新任等情詳覆前來臣因劉藩長所詳情由是否確實江省無案可稽如係督撫會催赴任勢必徒然往返轉至誤公除已飛咨福建督撫二臣確查至日卽飭星速起程回閩另

奏外合先陳明謹

奏

覽奏俱悉候另有旨命閣臣頒示

雍正十三年二月初六日江南總督臣趙弘恩謹奏一兩江各屬徵收錢糧積弊多端以及櫃書重戥

稱收措票需索銀匠低估成色多勒火錢種種累民之處經臣上年嚴行稽察極力拏懲務期咸知改易前轍謹守法度茲又聞得有種戶書凡小民完過錢糧必要花戶會面送禮方肯將已納銀數開除若花戶不曾送禮面懇者如該額銀一兩內已納過三錢竝不於實徵冊內開除已完三錢之數而下次比期仍照一兩追比以完作欠實爲民害臣卽通行出示嚴禁現在查拏枷責以懲姦胥以恤民隱理合陳明

是

一三省官吏向係上下欺朦交相詐僞權歸書役



賂賄公行上年經臣確訪叅拏各屬雖知警惕但  
日久不無怠玩且刑名一節尤多率混命盜大件  
多不依限完結支吾延緩而竊案及自理承審承  
追等事更復牽延拖累承行書吏舞文巧弊朦官  
延擱恣意苛求陋習尤難細數茲當二月開告之  
始臣現在嚴行出示責成道府確查稟究臣仍密  
行訪察不使姦宄漏網無枉無縱懲重儆輕俾得  
刑各事惟別除地累之弊為最要亟宜嚴飭屬員尤  
各知悚惕不敢仍蹈故習苦累民生以飽蠹腹也  
當重懲宵役不可絲毫稍有寬假  
理合奏

聞

一上江壽州鳳臺等州縣竊劫案件多於別邑臣  
聞事仰遵

聖訓極力整頓屢飭文武各官密加察拏并又細加體  
訪查有壽州窩家吳聰子等八名賊匪蕭麻子一  
名鳳臺縣窩家陳秀卿等二名賊匪陳黑耳梁等  
五名霍邱縣窩家呂嵩麻子一名俱潛住各該州  
縣境內任意窩賊而呂嵩麻子又係狡猾積窩凡  
遇壽鳳各賊犯事無不逃匿該犯之家必須密拏  
聖主方能獲臣已密檄該管文武各官嚴拏務獲確  
審實情按法究懲以靖地方并飭不許妄拏滋擾

硃批諭旨

下

矣

趙弘恩



以副計

聖主弭盜安民至意理合奏

聞謹

奏

嚴拏窩家使盜竊無容足之處則地方自靖可謂得拔本塞源之道矣

同日又

聖奏為奏

聞事雍正十三年正月二十七日據溧陽縣具稟鈔送生員羅燮鼎呈告總理陝西巡撫臣史貽直前任

兩江總督時改縣立識伊叔史惇化洩其陰謀等

語呈詞一紙并史惇化手札到臣除另摺鈔呈

御覽外臣見其辭語支離不經似有挾讎申誣捏陷情

奏形抑或另有情節均未可定當卽密發蘇州按察

司飛提該犯等研訊確情去後隨據署鎮江府稟

稱羅燮鼎曾被史族赴府控告盜葬墳地燮鼎亦

訴史宦發掘互控有案未結等語是否燮鼎藉此

挾嫌誣陷又經密發蘇臬司一併確訊俟訊明到

奏日臣再詳加細核另行具

聞奏事關大臣不敢隱匿理合先行奏

殊批諭旨

下

究

趙弘恩



聞謹事關大計不煩細問聖令小司

奏日引再詳

披閱呈詞殊屬荒唐之甚至於互控瑩地其中不無倚勢欺陵致成讐怨情故事既經司由府彰彰顯露自當審明曲直題奏以聞

雍正十三年二月十五日江南總督臣趙弘恩謹

奏一臣於雍正十三年二月初六日接到大學士鄂

爾泰張廷玉寄字內開雍正十三年正月二十一

日因宿州等處有探花大刀五岳擡天三乘等會

聚集多人欽奉

上諭一道遵

旨寄信前來等因到臣欽此查臣到任之後即聞上江

地方有等隨會燒香之事斂錢聚集男女混雜其

間亦中敗壞風俗包藏姦匪種種不法應宜嚴懲勿使

滋蔓隨即密訪查拏去後復因江西玉山縣匪類

黃森官等之事臣愈加警惕極力搜訪不時密札

文武員弁一體暗察於雍正十二年四月初八十

七等日據定遠縣并鳳陽道報獲擡天尖刀會人

犯張大劍等十四名又於五月十二等日據合肥

縣報獲南陵縣三乘會又名糞粃教人犯潘玉衡

殊批諭旨

下

辛

趙弘恩



等十四名又於十一月十八日及十三年正月初  
七等日據鳳陽道并鳳臺縣報獲五岳會人犯李  
盛木等二十三名又於上年十二月初六日據宿  
州報獲探花會人犯趙文龍等九名又獲大刀會  
湯振一等三名俱經臣一面飭發司道審擬一面  
奏

聞在案嗣據安徽道將南陵縣三乘會一案人犯審解  
到臣當查審擬未協臣因江寧布政使李蘭辦事  
精細隨發該司就近研訊茲捧讀  
諭旨仰見

皇主明察秋毫無微不至臣當卽欽遵密札安慶撫臣  
及藩臬兩司一體凜遵

聖訓詳悉辦理務使首惡不得漏網無知咸皆化誨其  
他無辜讐叛不致波及姦宄全消地方寧謐以仰

副員愈賦奮激而要賦何地哲人之效也且愚想  
徹底清理務俾兇徒斂迹庶善良不致汚染惡俗  
聖主戡惡安良至意俟辦理完日另行具

奏外理合先行奏

聞

江寧府理事同知係專難要缺必須勤敏強幹  
之員方克勝任前因同知錫昌患病解任所遺員

殊批諭旨  
下  
主  
趙弘恩







月內檄行三省各司道將各屬凡有可墾之地逐一清出冊報并令籌議立法廣為化導飭有力者開墾無力者捐助牛種并嚴禁豪強不得阻撓侵

皇奏明

諭一江寧糧道王恕押運過淮近據稟稱淮揚一帶

米價甚賤上米不過一兩人民俱各樂業熙熙皞皞果能如此皆信以為實而弛其警禦之心乎

皇上念切民瘼

聖德涵濡之所致也合併奏

聞

一江寧省城二月十八二十二二十七等日連得大

雨餘日晴雨應時差弁四外查看俱稱麥苗旺

閩五茂百姓歡欣目下米價中熟米每石一兩一錢次

熟米每石九錢三分糙米每石九錢合併陳明謹

奏同日又據金縷革各據

據奏麥苗旺茂米價平減此誠堪為額慶

奏同日又據金縷革各據

殊批諭旨

下

三

趙弘恩



奏一江西新淦縣革衿謝芳輝等屢次毆官搶犯大  
屬不法臣到任之始卽嚴飭查拏其首惡謝芳輝  
奏已於上年十一月十二日報獲餘黨陸續就擒經  
臣先後奏

聞在案今據臨江府稟稱本年正月二十一日復獲逸  
犯楊榮等八名此案人犯俱已全獲等語臣查此  
等姦棍若不嚴行懲創何以肅法紀而安良善現

聞在飭司嚴審究擬外所有此案人犯全獲緣由理  
法紀之設正爲此輩  
望憲合先爲奏

聞上念世另異

一聞江西民間所用錢文內有將鉛私鑄成錢及  
薄小不堪之錢攙和使用溯流尋源明有私鑄之  
人臣隨疊檄嚴拏今據峽江縣報獲長箴地方私  
鑄鉛錢之廖從三等二犯并起獲鉛一包及鐵鉗  
鐵杓訊據供認不諱并稱所鑄鉛錢係換給新淦  
縣民廖二妹行使等語竝據臨江府稟報臣卽飛  
飭嚴拏廖二妹務獲一併嚴究黨羽務盡根株庶  
姦徒不致漏網錢法得以肅清矣理合奏

聞

二江西建昌府暨豐城長寧龍南等縣稟稱今歲

殊批諭旨

下

七

趙弘恩



二麥前沾瑞雪又復雨水均調兼以目下天氣融和無不青葱秀發徧陌盈阡俱皆暢茂米價上米亦不過一兩萬姓歡呼人民樂業等語理合奏

聞謹

奏

覽建昌等處雨水二麥情形甚為慰悅但未知闔省普  
遍否

同日又

奏一江寧省城查有民人李三與旗廝任保在朝陽門外朋充柴草牙行用強邀截詐害鄉民業經臣

與將軍臣吳納哈批行究處在案臣恐此外尚有生事索詐之徒隨又飭行查禁茲據署江寧府理事同知巴都善詳稱附近滿城之正陽北安小門西華四門俱有柴草民牙皆領牙帖訊據牙人陳漢章等供認從前亦有申旗頂冒及族隣朋充情事今應一併革除但鄉民柴草多由四門賣入滿城若不設立牙行誠恐買賣無所憑倚民人故擡其價旗廝恃強勒買不無爭執滋事應於四門各設民牙一名飭令上江兩縣另選誠實之人充當牙人抽取用錢每百只許三文等情到臣臣查所

硃批諭旨

下

查

趙弘恩



議俱屬妥協隨移准龍江關議覆相同除行該縣查照并會同將軍嚴禁旗人復申滋事民牙亦不許違例朋充多索臣仍不時密察如有前項情弊卽行拏懲以安民業理合奏

聞

一賭博最宜嚴禁臣節遵雍正四年禁止賭博定例明白鈔錄飭行各屬徧貼城鄉村市咸使周知并飭嚴拏賭犯根究賭具來歷按擬究處在案乃近訪揚州至泰州通州如臯一帶水路地方有頑梗不化棍徒以屋內聚賭兵役易於擒拏更生機

詐聚集舟中停泊無定肆行賭博岸上之巡邏在所不及水師之察緝隔越他舟罪及鄰船不過暫

時歇泊責嚴保甲亦難飛渡協拏而泰州之寡婦嚴禁製造賭具其源清而流自潔矣橋謝家埠以及通州城外在在皆有臣現在密諭

中軍慎選幹員前往水路一帶扮作客商暗行察訪如果確實并現有賭具贓據立即擒拏解交該地方官嚴訊究治去員如有滋事驚擾定卽一併

奏重懲理合

奏明謹

奏

硃批諭旨

下

庚

趙弘恩



雍正十三年三月十八日江南總督臣趙弘恩謹

奏為奏明事竊照編立保甲乃弭盜安民之良法洵

為要務臣到任後通飭三省嚴行稽察務使實力

奉行在案惟是江寧為省會衝要之地五方雜處

編立保甲先應審度地方之可行與否有司才力之能

最易藏姦保甲之法不嚴則宵小得以潛蹤姦棍

行與否毋得一味嚴急勉強從事倘地方或不相宜才

力或有不逮反滋紛擾毫無裨益前代論治術者動稱

於焉窩頓編查之法不密則經胥假造册而科斂

使費借編戶而騷擾居民甚有姦猾之徒包充久

社會保甲二事固云善政然必資順輿情徐徐勸導

戀勾通蠹捕豢養分肥甲長牌頭亦漸滋弊上元

相機酌宜而為之方能奏效非如賭博宰牛私鑄盜匪

江寧二縣雖竭力遵奉但地方遼濶錢糧詞訟又

復紛繁未能時時親歷徧行查點恐致保甲視為

方雜復紛繁未能時時親歷徧行查點恐致保甲視為

但從古有治人而無治法即如賭博宰牛私鑄盜匪

甲之嚴密尤賴收命之精勤是以前分司捕務臣為靖地

端本且立法之初嚴似勝寬而不知過嚴之弊亦隨

之蓋選老成殷實之人充當如有勾通蠹捕豢賊殃民

急則者一併嚴拏究處其牌頭甲長亦須竭力稽察勿

政以得人為要竊用類及容留來歷不明之人務令境

必規甲內窩藏匪類為步趨若不得人縱奇策神術徒

美聽內肅清地方寧謐毋許滋事擾累除檄飭道府嚴

殊批諭旨

下

老

趙弘恩



加督察務期剔釐積弊實力奉行理合

奏明伏乞

皇上睿鑒謹

奏

覽

同日又

奏一江南地方間發蝗蝻臣於未萌之先通飭各屬

預為防範後江浦等州縣偶有萌動臣即飛飭撲

捕田禾得以保護今歲感沐

皇仁疊逢瑞雪蝻子入土必深自無害稼之虞但未萌

之先仍須預為防範隨又通飭各屬地方文武官

并督率兵役鄉保村民人等在於各田疇阡陌之

間以及山陬曠野之處不時徧加查看如有種類

萌出立即除治務期淨盡不容稍有滋蔓以保禾

稼以利民生庶不有厲

聖懷理合奏

聞

一上江鳳陽潁州亳州一帶素稱盜藪又濱淮

帶綿互數十餘里一望皆屬波濤冬間水涸一片

曠野欲設村舍塘汛又慮夏間水漲凡有漁船多

硃批諭旨

下

夫

趙弘恩



伏盜匪稽查為難訓化不易臣雖不時密飭訪查  
嚴加拏懲第恐小民多屬愚蠢無知即使重懲一  
二而餘人不能盡知警誡若欲徧行曉示識字者  
少懶惰者多期其革面革心愚民無不洞曉實屬  
聖訓難事是以面諭廬鳳道范璨將強盜竊賊窩家治  
罪及父兄應訓子弟并牌甲不首均有干連坐罪  
作成俗語以曉諭愚民則可習唱歌曲殊近於褻文體  
攸關似不雅馴五事作成俗語歌曲分散鄉村僻壤令其習唱家  
喻戶曉使愚夫愚婦易於領畧交相勸勉如有犯  
者俟審定之日按罪之輕重輕則即於該地方嚴  
行枷示更使兇惡皆知儆懼似於化頑懲兇或有

裨益是否有當理合奏請

皇上訓示遵行

一江寧城守營副將康華齡臣見其為人謹慎小

心是以令其署理江西南昌總兵之缺隨經密加

訪察果能實心辦事臣未敢深信前次亦未奏

聞續因總兵官李蔭樾調任福建建延鎮之缺臣復令

康華齡前往署理履行密飭江西官員查訪并札

詢撫臣常安去訖節經諸員稟其勤於操練不尚

虛名等語又經撫臣常安札康副將署篆西省

已歷八月文武和衷軍民胥輯頃者南回官民咸



有依依不舍之意等語臣復密行暗訪所辦之事  
多屬妥協操守亦謹練兵亦勤可勝鎮臣之任不  
且再試看此人朕尚信之不及  
敢隱匿理合據實奏

聞謹

奏

覽

雍正十三年四月初三日江南總督臣趙弘恩謹

奏一銷燬制錢例禁嚴密臣屢經檄飭各屬不時查

拏按律究擬在案今於三月十五日據江寧縣報

稱遵檄四路訪查在於陽字舖甲內有朱魁之與

江雲生開爐打造甲釘暗燬錢文當即起獲已燬

未燬制錢并火罐鐵鉗等物并拏獲該二犯訊供

稱係高文儀叫秦大拏錢五百文來焯今年二月

裏還焯過幾次每次約有四五百文還有李采臣

焯過二百文拏獲秦大供亦相同復拏高文儀李

采臣到案訊據高文儀雖供稱所燬係破碎小錢

據李采臣供係燬的是白銅做烟袋的等語明屬

狡飾且恐所燬定不止此幾次代燬亦決不止此

兩人臣已批行蘇州按察司嚴審銷燬確數及根

究此外有無銷燬之人究擬招報一面飭令再行



應嚴究者

密訪查拏外理合

奏明

一本年正二月內雨雪應時及上年太平寧國池  
州三府并江寧府屬地方二麥長發情形經臣奏  
聞在案今又據上江安慶徽州廬州鳳陽滁州和州廣  
德六安潁州亳州泗州十一府州并下江蘇州松  
江常州鎮江淮安揚州徐州太倉海州通州十府  
州報據各所屬州縣咸稱今歲連降瑞雪晴雨均  
調兼以春融和暖土潤澤膏查勘二麥俱皆忻榮  
暢茂將來定獲豐收率土歡忻萬民安堵等情理

合奏

聞謹

奏

兩江晴雨均調景况欣悅覽焉

同日又

奏竊照上江宿壽二州定遠南陵等縣均有無賴棍  
徒設立探花大刀五岳擡天三乘等會名色聚集  
開五多人結黨行兇欽奉 聖 吳 黃 武 寧 沛 如 對 李 蘭 稟

諭旨令 臣 會同新任巡撫趙國麟密行訪查將實在首  
惡杖斃數人則强悍之徒知警愚民不致湔染欽此

殊批諭旨

下

全

趙弘恩



惡臣隨密飭安慶布按五司并移安慶撫臣一體欽  
遵辦理將各會人犯已經拏獲緣由奏  
聞在案今據安慶按察使劉吳龍江寧布政使李蘭稟  
稱據鳳陽府將宿州探花大刀二會審供錄報并  
奏將該司等核看供單呈送到臣查所審宿州探  
花會共有八人而兇淫暴惡款跡纍纍則惟趙文  
龍馮夢藻黃四禿子三犯實罪無可逭又審明大  
刀會共有四人爲首之湯振一已獲病故其李進  
朝一犯屢行姦污婦女挾嫌糾衆打降亦罪無可  
逭俱應杖斃其餘各犯分別枷責應飭令該州交

與保甲管束不時查察并諄切化導令其遷善改  
惡以仰副

聖主戢暴安良化誨愚頑至意撫臣趙國麟於三月二  
十一日過寧赴任經臣面商已會同遵

旨辦理去訖所有審錄供單理合鈔錄繕摺恭呈

御覽伏乞

睿鑒謹

奏

嚴飭屬員更加訪拏究懲以永熄此風

奏雍正十三年四月十八日江南總督臣趙弘恩謹

殊批諭旨

下

全

趙弘恩



奏一臣接准部咨奉

十八日工部咨

上諭蘇松常鎮道員缺著蘇州府知府姚孔炳補授蘇州府員缺著廬州府知府徐大枚調補廬州府員缺著亳州知州盧見曾補授亳州員缺著總督趙弘恩揀選題補欽此臣現將亳州知州員缺遵

旨揀選題補外伏查蘇松兵備道王澄慧辦事糊塗任用胥役不能勝任但操守謹慎爲人忠厚似應調望主用京缺其蘇松兵備道缺查有鹽務道曾弘緒辦事明白但與兩淮諸商甚不相洽而商人亦不悅服鹽臣高斌與臣言之兩次商酌調用似應請將

曾弘緒調補蘇松兵備道庶爲相宜其鹽務道缺查新補之蘇州府知府徐大枚品行端方實心辦事但其才具似與蘇郡不甚相宜可勝鹽務道之任蘇州府缺查新補廬州府知府盧見曾才具優長可勝蘇州府之任其廬州府缺查有淮安府海

防同知高越勤敏明白可勝廬州府之任臣因地所請俱可內惟盧見曾一員曾與廷臣論其才品之優但伊貌不甚揚蘇郡民風輕薄或恐不宜此缺應再加

皇酌餘如議行查頌觀共計年餘三日

殊批諭旨

下

全

趙弘恩



去貯包當樓十八間尚有旁樓十二間未燒各當  
皇上主紛紛往查取贖共相爭論三月初一日該縣赴  
文廟行香卽被百姓攔阻在內欲令勒商賠補抵暮  
始能得出據該縣先後詳報臣查小民質當原非  
不得已又聞當樓有已燬未燬之處其爭執固無足  
怪而事外之人率衆攔阻未便任其肆行隨批令  
蘇州按察司速飭確查已未焚燒當物照例妥議  
以安民心一面嚴查逞刁聚衆爲首者拏究以儆  
愚頑又本年三月內有常熟縣民黃觀越境買鹽  
巡役張盛拏獲扭結墮河黃觀溺斃報縣往驗有

刁民潘詳雲糾衆先毆張盛當經拏獲又有地棍  
周象明統兇搶犯亦被擒拏據縣詳報臣已批司  
飭審確情根究夥黨嚴加究治以靖刁風理合奏

聞謹

奏

刁悍之習應行懲儆固不待言或胥役誣捏虛詞以屈  
陷平民亦不可不防也

同日又

奏一江南各屬驛遞馬匹關係郵傳重務臣屢經嚴  
飭該管各道府實力稽察務各臚壯足額如有疲







塌東岸民房五十三家西岸民房十五家搜鹽廳  
三間新闢橋一座民人俱無傷損等情前來臣卽  
飛飭江蘇布政司并該府縣確勘兩岸所塌丈尺  
情形查明被坍房屋速爲賑恤毋致失所以仰副  
聖主軫念民依之至意理合奏

聞一本年四月民財十日  
但聞河淮一帶三月間微覺缺雨近始報獲甘霖尚未  
聞江南二月間雨水稍多三月上半月連次晴明各屬  
麥苗俱極青葱茂盛米價多在一兩之內民情欣

快恐厘

聖懷合并陳明

一本年四月內據海州詳據山東安東衛民徐盛  
海船舵工盧欽呈稱身船裝載諸城縣牟客料豆  
議送邵伯交卸於本年二月二十九日同胡德盛  
船行至開山忽遇賊船一隻上幫將水手呂德打  
落下水舵工劉永盛中傷身船隨風飄至嵐頭山  
口隨稟明東省安東衛驗明傷痕緝盜追賊在案  
理合報明一體緝拏等情到州轉報到臣又據海  
州營遊擊稟稱四月初一日准山東安東衛守備  
移稱嵐頭山船戶徐瑞呈報伊船於二月二十九  
日行至開山遇賊在船多人受傷水手呂德打落



下水已據呈通報東省各上司移行沿海營汛協  
緝等情并稟到臣隨批令蘇州按察司速飭勒  
緝贓盜務獲究追竝切行狼山總兵嚴飭各營將  
弁督兵協同幹捕一力遍行躡緝務盡根株勿得  
少留餘孽以靖海洋以安商旅外理合奏  
奏明謹奏

已據東省奏聞矣嚴飭勒緝務獲

雍正十三年閏四月初十日江南總督臣趙弘恩  
謹

奏一上年六月內江蘇所屬地方雨水稍多低窪田  
禾收成歉薄荷蒙

皇上軫念民生寬徭恤賑又復

特沛殊恩截留漕米二十萬石俟市價增長平糶以便  
民用等因當卽轉飭欽遵在案今查江南米價每  
石仍不過一兩內外竝未增長似應緩至六七月  
間青黃不接之時再行酌量市價平糶以濟民食  
但目下麥秋伊邇又可望其豐收將來米價似亦  
不致昂貴若遽行減糶則恐與部價不符如令各  
屬收存而江南地氣潮濕米石難以久貯臣再四



思維酌量權宜查各屬尚有應買均貯穀石何若  
卽以截留之米作爲均貯之項令各州縣因地制  
宜或借或買照依一米二穀易換歸倉卽以採買  
均貯之銀撥還糶價一轉移間似於糶價倉儲均  
有裨益臣因慎重漕糧起見除一面飭司查明各  
屬見在均貯穀石數目妥議詳覆外理合先行

奏請

是

皇上恩賜訓示遵行

一兩淮鹽政從前多因隣私充斥商販囤壓以致  
官引難銷臣仰體

皇上裕課恤商至意竭力清釐加緊督緝邇來姦梟之  
徒各知斂迹愚頑商戶亦知改悔茲據兩淮運使  
尹會一稟稱目今鹽法大見起色湖北漢口每包  
價銀一錢四分有零淮南甲寅綱窩見值七錢四  
五分如此疏銷綱課不難催督通河衆商莫不歌  
咏

聖澤見在踴躍辦理癸綱殘鹽業將告竣甲綱新運亦  
於本年四月二十七日開江趕運銷售等情前來  
臣隨卽飭令各商急公辦運實力疏銷不得誤運  
壓綱并嚴飭各屬加意巡緝毋使隣私稍有透漏



好但得實心任事之臣天下未有不克辦集之政務也  
外理合奏

聞

一江南地方易生蝗蝻未萌之先宜早防範經臣  
將飭令各屬預防緣由奏

聞在案茲於本年閏四月初四五兩日先據上江所屬  
之霍邱縣文報該縣汪家集地方草場內忽生蝻  
子零星兩塊又據下江所屬之蕭縣文報該縣龍  
山湖地方有魚子化蝻狀如小蠅約十數塊并據  
各稱當即會同武弁督率兵役人等現在焚燒捕  
撲各等情前來臣即飛檄司府各縣極力驅燒捕

撲雖萌動無多亟須徧加搜查不得稍留餘孽取  
結通報仍飛飭各屬一體及早防禦以保禾稼不  
致上廩

聖懷理合

奏明謹

奏

能令屬員不事隱諱於初萌時即早為撲捕自不致有

滋蔓之患

同日又

奏查海洋口岸商艘往來防範最宜嚴密前因山東

硃批諭旨

下

完

趙弘恩



奏省安東衛民徐瑞海船裝載客豆行至開山地方被劫當據舵工盧欽呈報海州據詳到臣隨檄飭沿海文武員弁四路緝拏在案茲據江陰縣詳報本年四月十一日有平寧沙船戶陳秀章之舵工蔣進臣水手陸振彩抱贓投首據稱二月初六日有通州陳國安來雇身船約至任家港裝載李詳生貨物初十日駕船到通停泊港內是夜卽有十餘人上船將水手四人綑縛捺艙開船出港又奪崇明空船一隻在洋行劫掠分贓物數件逼令幫同駕船其時雇船之陳國安亦在船內拘管甚嚴

欲逃無路今幸船隻夜行擱淺二人相約赴水逃歸等情到臣當卽懸賞勒限嚴飭通州等處文武協力捕擒并飭江陰縣密帶蔣進臣認識贓盜務期必獲綏靖海疆合將抱贓投首分緝情由先行奏明

務期全獲勿致一名免脫

一據通州知州詳報督率兵役出洋巡緝於四月初十日在殿山地方拏獲賊船一隻盜犯陳四等六名見起有黃豆菜豆豬酒衣被等贓續又於小淺沙拏獲盜犯李五等五名又於姜竈港地方拏獲盜犯朱耀先一名又據盜犯一名姜鬍子自行



投到又本月十一日於白茆港拏獲賊船一隻盜犯戴詳生等八名見起有贓豆等物等情到臣臣隨批司速飭傳喚開山被劫事主盧欽并江陰縣抱贓投首之蔣進臣陸振彩到通識認原贓原船究訊盜夥行劫次數追起全贓如有逸盜再行嚴緝獲究務盡根株毋使縱漏臣當將獲盜之兵役從優給賞以示鼓勵外合將獲盜緣由具摺奏

聞謹

奏

安民之道惟以緝匪靖盜察吏訓兵為根本要務餘皆

枝葉邊事也

雍正十三年五月初八日江南總督臣趙弘恩謹奏一前據霍邱縣并蕭縣報生蝻子經臣將飛飭撲捕緣由奏

聞在案今續據上江所屬之盱眙泗州靈璧三州縣下江所屬之海州寶應碭山銅山清河安東及徐州衛七州縣衛先後報稱各所屬近湖之地有魚子化作蝻形萌動等情臣俱飛飭各屬文武員弁督率兵役鄉保人等多募人夫星夜撲捕見已據盱眙寶應泗州等處結報撲淨在案其餘各屬亦嚴



飭見在竭力撲捕將次淨盡續又據蕭縣稟稱該縣龍山湖蝻子已經撲盡無遺今有崔家口李家莊地方界連豫省亦有蝻子生發如蠅竝未生翅隨會同武弁雇募人夫連撲六七日夜已去十之七八計日可淨等情到臣因界連豫省一面移咨河東督臣轉飭協同撲捕并差委臣標把總星往察查亦同協捕務各淨盡斷不使稍留餘孽致今歲江省蝗蝻生發何其多也敢飭各屬實力奉行毋傷禾稼以厘得少有疎慢聖懷

一下江通州地方多屬沙田滷地今歲二麥穗出

雙岐前據狼山鎮呈報前來經臣奏

聞并將瑞麥已恭呈

御覽隨又據上江所屬之合肥壽州鳳臺三州縣并下

江所屬之丹徒金壇三縣先後具報各所屬地方

麥多雙穗萬姓歡騰并送瑞麥到臣逐一查驗

無異不敢瑣呈

御覽理合奏聞據該撫等已齎呈朕覽矣

又據江寧布政使李蘭會同安慶按察使劉柏詳稱廣德州地方四面環山素多虎患居民每受驚



害該州請捐俸照從前部定式樣製造一尺五寸  
長鳥鎗二十桿分給獵戶等專司捕虎將所造鳥  
鎗造冊分送文武衙門以備稽查貴池南陵懷寧  
等縣亦有虎患應請一併製給等情到臣臣查虎  
患實爲民害但係猛勇之獸似非一尺五寸之鎗  
所能禦捕可否照營制之式製造官鎗二十桿存  
貯該州縣庫遇有虎發卽將庫貯之鎗分給獵戶  
等委令員弁督率搜捕俟捕除時該委員仍將各  
鎗卽行收繳貯庫庶禦虎有資而軍器不致民間  
濫用是否可行臣未敢擅便理合奏請

皇上訓示遵行謹

奏

照式製給備用可也

同日又

奏一江省各汛墩臺多建河濱逼近民田向因取土  
辦石維艱均皆木置歷來稱便今臣又與撫臣高  
其倬提臣補熙面爲酌商仍用木置俱各意見相  
同將來修葺換補亦易爲力足資守望是否有當

伏乞

好  
皇上訓示遵行

硃批諭旨

下

叁

趙弘恩



一蘇松常鎮等屬一切支河港渠繁多因年久淤塞民間田疇每苦蓄洩無資經臣議立條規酌定捐錢數目復經

題請在案今聞民情無不歡忻鼓舞踴躍趨事其有緊要河渠俱在疏濬挑浚可緩工程俟於農隙興修民田蓄洩灌溉頗有裨益二麥收成與往歲不同每上田一畝竟有收至二石四五斗不等中田每畝收有一石六七斗下田每畝亦有石餘各處收成多皆彷彿早禾現在栽插臣赴常會勘秋審沿途目見羣黎俱皆盡力田間紛紛興作樂業歡

騰臣亦不勝雀躍之至理合一併奏聞  
第秉公酌宜辦去目前小效無庸計及

一鎮江府城外新河口地方江岸被風浪衝坍臣恐有礙城池運道亟宜保護隨咨准大學士總臣嵇曾筠覆稱查勘坍崖處所相距府城尚遠無關運道且目下形勢未定非椿埽所能捍禦俟伏秋大汛之後相度機宜再為斟酌等因又彼地附近向設礮位亦經將軍臣王鈇暫移演武鎗廠另擇地安置各緣由經臣一

奏明旋於閏四月內經將軍臣王鈇擇有鎮城北雲



奉山脚下曠地背山面江一望平坦長江浩瀚適當  
阨塞建立礮房永遠無虞當卽會同臣與蘇州撫  
臣高其倬具

題在案今臣順道親歷各處所查勘無異合再  
汝既身經日歷諒不至差謬也  
奏明

一蘇州按察使郭朝鼎於初到任時辦事頗覺勤  
敏及來省進見人亦明白乃自今春以來行事每  
多任性案件亦多草率又聞聽信書役未能覺察  
臣俱隨事批飭訓誡并留心體訪今臣赴常會勘  
秋審道經丹陽聞有前叅革貪婪知縣甯承謨案

內款犯黃聲聞等取保一事而該司衙門書役陳  
祿渠嚴致和等膽敢舞弊詐贓臣隨密飭鎮江府  
查出說合之孫尚卿已據供認過付銀兩等語至  
此外有無沾染之人及贓銀確數正在飭究間而  
此案人犯已經蘇撫臣高其倬親提究訊臣現在  
仍行密察自應研究虛實務得確情無枉無縱外  
聞事理合先行奏

聞謹

奏

郭朝鼎非關任性或因遷轉濡遲興致隳頽耳原不係

硃批諭旨

下

卷

趙弘恩



誠實純人吏才猶有可取加意訓戒以成就之

雍正十三年五月十二日江南總督臣趙弘恩謹  
奏為奏

聞事竊照江南江西三省雍正十三年各屬大小二麥  
收成分數催據蘇州布政使張渠江寧布政使李  
蘭江西布政使刁承祖各查報前來臣查蘇州省  
八府三州各所屬收成自十分九分以及六七八  
分不等安徽省十四府州各所屬收成自十分九  
分以及七分六分不等江西省十三府各所屬收  
成自十分九分以及七八分不等至三省民間米

價均皆平減江寧等府屬每石價銀八九錢至一  
兩二三錢不等安慶等府屬每石價銀七八錢至  
一兩一二錢不等南昌等府屬每石價銀七八錢  
至八九錢不等二麥豐亨米糧價減婦子盈寧閩  
閩含哺大有熙皞之象理合據實奏

聞所有三省麥收細數臣謹另繕清單恭呈

睿鑒謹

奏

三省麥收分數欣悅覽焉

雍正十三年六月初六日江南總督臣趙弘恩謹

硃批諭旨

下

癸

趙弘恩



奏案本年五月二十一日據江西豐城縣稟稱該縣地處低窪全賴長隄以爲保障茲於閏四月二十五六七等日驟雨連朝外江內湖一齊水漲連日督率縣丞捕巡各員協同鄉保人等在於各隄晝夜防護大修工隄均皆平穩惟上年歲修之鄆坊壩突於二十九日夜間漫開隄壩十餘丈五月初一日江水愈泛是夜又將長樂壩隄亦漫決十餘丈但各壩內田地皆種晚禾應於五月栽插菜麥俱已收穫毫無傷損居民田舍尚皆無恙俟查確另報等情前來臣隨飛飭江西布政司星委能員

是  
皇恩先行奏  
聞  
前往漫潰各隄所協力搶築完固飛報并令確勘  
大修隄身果否平穩居民廬舍是否無恙并於水  
勢消退時卽速佈種晚禾雜糧以冀秋收外理合  
稟會同此  
同日又據署建昌府稟稱所屬南城縣十八都  
地方麻姑山白沙嶺等處地處低窪於閏四月二  
十七日大雨山高水急低田禾苗間有被淹但山  
溪水勢原係旋長旋消可以及早補種無力窮民  
卽令借領社穀以資飯食等情又據稱所屬之南

殊批諭旨  
下  
卷七  
趙弘恩



豐縣四十四都地方有長陂街井灣堡二處地居低下因閏四月望後連日雨多水勢驟湧坍卸民人草房共二十間淹斃男婦老幼十一名口俱已撈獲資助掩埋其餘田禾均皆無害各等情前來臣俱飛飭江西布政司立速遴員分途星往該二縣會同地方官確勘詳查推廣

皇恩加意資助賑恤務令被水窮民安堵不致失所外

合併查勘實力賑恤勿俾屬員虛應故事

一臣前據上江之霍邱等州縣并下江之蕭縣等

州縣暨徐州衛各報有蝻子萌動臣卽嚴飭各地方文武員弁星夜撲捕業經奏

聞在案續又據下江江浦阜寧鹽城等縣亦報有魚子

化蝻臣俱飛飭各地方官弁督率兵役多募人夫

竭力撲捕并令凡屬交界鄰邑無分疆界一同竭

力協捕又差標員一同捕查今除靈璧清河鹽城

秦沛縣山陽碭山等六縣尚未結報外其餘各屬俱

奏已先後文報撲捕淨盡無遺竝無傷損禾稼各具

一而之詞未可遽信爲然須更留心體訪的確

務盡根株不得稍有疎懈并催靈璧等縣竭力撲



淨結報外恐塵

聖懷合再

奏明謹

覽

同日又

奏一本年五月十一日據瓜州城守營守備蔣飛鵬

稟稱五月初三四等日東南風甚緊於初五日夜

瓜州南水關外江邊查子港之東護崖埽工坍塌

約長二十餘丈濶二十丈見在上緊修築等情前

來臣隨飛飭淮揚道并淮河江防同知協督河員

多募人夫晝夜實力搶築多方保護不得汕刷內

地續於二十一日據該江防同知李焯文報坍塌

之時當即協同河營備弁率領兵夫搶下長椿大

埽加鑲一律已經完固平整見在住宿工所防護

等情臣仍嚴飭各河員加謹保護不得稍有疎懈

外既經坍塌衝決之患定應不免何以未見奏及

奏明

一鎮江府城外新河口地方被風浪坍塌江岸民

房情形并咨准總河大學士臣嵇曾筠指示機宜

硃批諭旨

下

堯

趙弘恩



以見今土性浮鬆形勢未定從緩修築各緣由經  
臣節次

奏明在案茲於本年五月十五日復據鎮江府稟稱  
新河口西掘港東岸地方於本月十三日夜又坍  
去江岸約長二十餘丈寬四十餘丈并坍去居民  
房屋八間竝未損傷人口等情前來臣即檄飭蘇  
州布政司暨各道府等立速確勘情形將被坍房  
屋民人照前加意賑恤如有鄰近民舍應行遷移  
即令資助早爲遷移并咨准總河臣嵇曾筠札覆  
云親往勘驗復坍江厓在新開迤下掘港口地方

竝非舊坍之處查新開厓岸從前淘成鉗口形勢  
未免兜灣迴溜今下游攔水尖角坍缺一塊水勢  
通暢上游新開一帶方不致迴溜衝激此番塌卸  
實於小閘地方甚有裨益等語臣又見在咨商保  
固之法容俟商定妥協另摺恭請

聖訓外理合一併奏

聞謹

奏

江岸坍塌情形嵇曾筠已備細奏聞矣

雍正十三年六月二十一日江南總督臣趙弘恩



謹五十二

奏一上下兩江各屬自入夏後雨水俱各均調惟淮  
徐一帶從前得雨稍稀至栽插之時亦無不均霑  
膏雨茲據上江之寧國太平廣德三府州屬具報  
於六月初一二三等日得霑大雨下江之常州府  
報稱所屬於五月十九二十四二十九等日連獲  
雨澤鎮江府稟報所屬於六月初三初五等日得  
雨霑足淮安府報稱於五月二十九日大雨如注  
徐州府稟稱徐屬於五月二十八九六月初一等  
日各屬皆得大雨海州稟稱五月二十三十四兩日

連得雨澤等情至江寧地方亦於六月初三初九  
得霑雨澤十八日又得時雨田禾均沐膏潤惟揚  
屬雨澤稍稀又聞淮安府尚在望雨又上江之安  
慶徽州池州廬州鳳陽五府并和六潁泗四州間  
有雨水稀少之屬俱稱高阜田地尚有塘堰港渠  
蓄水可滋灌溉若再得甘霖秋成更為豐稔各等  
情前來臣隨飭令各屬虔誠祈禱以迓甘霖普沛

除未報各屬現在飛飭確查另報所有上下兩江  
今歲南方禾稼情形不及北地遠甚亟當省察吏治平

允政刑以調順民情可也  
聖懷理合據實奏

硃批諭旨

下

百

趙弘恩



聞

一上下兩江霍邱等州縣前經據報各湖灘草場  
內間有魚子化蝻臣隨飭各地方文武員弁及時  
撲捕其已未結報淨盡各緣由經臣

奏明在案今據靈璧清河沛縣山陽碭山等縣俱已  
出具撲淨竝無遺類印結齎報到臣嗣又據寶應  
宿遷桃源睢寧虹縣丹陽銅山七縣報稱各境內  
間有蝻子生發隨即撲捕竝無損傷田禾等語又  
據奉賢縣稟報沿海地方偶生蟲類形如寒蟬而  
小俗名紅蟲間傷豆葉無礙花稻等情臣俱飛飭

各彼地文武官弁均各實力設法捕除務盡根株  
取結通報但查蝗蝻生發撲捕貴在神速隨萌隨

捕自易殲除臣久經通飭預防又不時嚴飭搜查  
如果隨萌隨捕蝗蝻何至為害切須力行訪察督飭方  
不被懈惰屬員之欺蔽也  
延有傷禾稼以厘

聖懷合再

奏明

據署潁州知州李元祥稟稱訪得州屬霍邱縣  
葉家集地方有愚頑多人聚眾結盟名為鐵尺會  
有高二王三洒宋大漢郭長腿等數十餘人於閏

硃批諭旨

下

五

趙弘恩



四月二十三日在下屆遠家拜盟會酒演戲前搭  
布棚卡座各執鐵尺一根高二王三酒居中擺列  
扁擔二條以作刑杖凡不聽指揮者以扁擔責之  
奏五月十二十三等日又在菜園內演戲三本在王  
望對三酒家聚會共有二十餘席但未獲確據及棍徒  
的實姓名住址見在密檄查拏等情到臣臣查棍  
徒聚眾結盟大干法紀隨卽密飭安慶按察司暨  
該州密行查拏務獲并飭不許妄拏無辜滋擾一  
面移會安慶撫臣趙國麟一體飭拏俟獲到確審  
另

奏外理合先行奏

聞謹

奏

此種匪徒卽如苗之有莠若不查拏懲治善良何以安  
枕綏輯地方此爲第一要務

同日又

奏一下江海邊地方民情刁悍積匪尤多臣留心訪  
察恐有以出洋採捕爲由而肆行搶劫者嚴飭文  
武官弁密訪確實設法擒拏并將自首減罪之條  
徧示曉諭在案今據常熟縣詳據賊犯張繼出首



雍正十二年正六等月同夥吳大等在狼山前海  
洋搶劫不知姓名猪船鯨魚船麥船棉花船木船  
各案隨拏獲吳大等十一名尚有九名未獲等語  
奏臣當加獎勵并檄飭文武各官多差兵捕勒緝逸  
盜及此外有無為匪賊犯查拏務獲究擬以副  
除緝盜之外寧更有安民妙術耶勉為之  
聖主靖盜安民之至意理合奏

聞

奏一本年六月初三日據江西吉水縣稟報該縣沿  
河地方於閏四月二十七八兩日陰雨連綿上流  
贛河水發驟長二丈低窪田禾間被水淹隨於五

月初一初二三等日共退丈餘沿河查看被淹田  
苗俱經退出偶有傷損卽已補栽晚稻不致荒棄  
其橋梁道路亦間有坍塌等情同日又據萬安縣  
稟報該縣棉津汎河邊地方於閏四月二十八日  
間大雨水湧衝坍塌塘路三處或長八九丈五丈不等  
或寬一二丈三丈不等并衝倒行人往來憩息茶  
亭一間民居草店三間並未損傷田禾人口其所  
坍塌路見在暫設渡船應付水勢亦漸平消等情  
各具稟到臣隨飛飭江西布政司委員分途前  
往吉水縣查明被淹田禾果否俱已退出其有低



窪間損禾苗卽令勸諭星速補種晚稻以冀秋收  
并查明萬安縣地方田禾人口果否竝未浸損其  
衝坍各橋梁塘路亦飭作速勘估修葺以利行旅  
并將被水居民加意賑恤無致失所另報外理合  
先行奏

聞謹

奏

凡值此等水發之處必有被淹黎庶卽一丈戶口亦當  
撫恤令沾實惠若以其數少而遂加隱諱則大失父母  
斯民之責矣誌之

雍正十三年六月二十六日江南總督臣趙弘恩  
謹

奏一臣據奉賢寶山華亭三縣稟報六月初二日午

後颶風大作初三日海潮湧漲直至沿海一帶土

塘脚下高阜之處水深二尺低窪處所探有三四

尺不等初三日巳午二時風漸迴緩漲潮亦卽退

落高下田廬皆得無恙其塘外之田雖被潮浸旋

卽消退亦無傷損各等情前來臣查伏汛遇有颶

風實爲猛勇今邀員轉地查勘報稱早於蘇郡

聖主福庇各塘穩固無不共慶安瀾但查土塘身外於



聖主頂衝處所間有被風濤巨浪洗刷者除飛飭各該  
土塘為邊海一帶保障最關緊要嚴督各屬員及時修  
補堅固地方官并在工各員詳加查勘隨時亟早修補培

築堅固以防秋汛外所有伏汛風潮情形恐厯

聖懷理合奏

聞

據蘇松水師總兵官陳倫炯稟稱吳淞海口為  
蘇松門戶南北商艘出入絡繹而各船遇風收泊  
舍此一口更無他處可以寄碇奈此口竝無高山  
大阜可為瞭望標準每遇黑夜欲收口船隻無可  
尋覓只得停泊外港猝遇風浪無所逃避每至驚

慌失措今巡洋目擊堪虞隨查勘吳淞港口有礮

臺兩座北屬吳淞南屬川沙可於各臺上設立高

竿懸掛明瓦號燈二盞竟夜長明以為港口南北

標識使黑夜收風船隻為準繩以便入口至每

夜所需燭費約計二臺一月不過四金請飭就近

之寶山縣製造月給燭價交營冷看守礮臺兵役

然點照管仍令該縣不時稽察等情并准提

熙咨商到臣臣細查所議實於海洋昏夜收口船

隻大有裨益除行蘇州布政司於寶山縣捐錢項

誠屬有益之善舉應照所議施行  
內酌議動支轉飭遵照辦理外理合奏

硃批諭旨

下

頁

趙弘恩



聞

一兩江地方迷拐之風惟蘇松尤甚臣屢經密飭嚴行查拏上年拏獲拐犯陳虎子等一案隨經臣奏明在案今於本年閏四月內又查據崇明縣詳報有民人黃忠之子黃寶被人劈腦去足棄擲身屍等情當卽批令嚴拏兇犯務獲究擬去後旋據報稱拏獲拐犯李四楊秀珍楊素小劉等供認劈腦取髓賣與人合藥情實除見在嚴飭訊究夥黨務盡根株研訊買髓合藥之人并通飭各屬再行嚴拏惡風殊堪切齒自應嚴究痛懲海宇之內竟有如此種拏以靖迷拐之風外理合奏

聞是怪誕邪方耶

一上江地方每有不法棍徒聚眾肆橫妄逞刁悍茲有桐城縣舉人方道章等控告錢洛訪陳觀文冒塚盜葬藐法抗斷等情經安慶撫臣趙國麟委令該縣同試用官往勘竟有事外之素稱光棍吳大桂暨錢陳二姓族人率眾攔阻拋擲石塊碎桐令汪振甲之帽并毆方姓之人復敢於六月十六日近錢姓街道罷市希圖挾制官長殊干法紀臣查此等棍徒若不大加懲創何以戢刁風而安良善隨會同安慶撫臣一體飭司嚴拏究擬外理合



奏請會同安慶撫臣一歸論旨

聞謹查該善財寺苦不大吐慈憐以難下風而安夏

奏日並發以善財寺苦不大吐慈憐以難下風而安夏

業經有旨批示趙國麟奏摺矣

雍正十三年六月二十九日江南總督臣趙弘恩

謹

奏一本年上江所屬地方自入夏以及五月內雨水

俱極均調至六月以來雨澤稀少如安慶徽州池

州廬州鳳陽五府并六和潁泗四州各所屬高阜

地方見在祈雨情形經臣奏

聞在案續據徽屬之歙黟二縣池屬之銅陵建德青陽

石埭四縣泗州并所屬之盱眙天長五河三縣及

和州各呈報於六月初十十一十七八等日先後

得雨又鳳陽府稟報鳳屬各州縣俱於六月十七

日甘霖大沛田禾均得接濟秠穀菽豆無不勃然

興起等情其餘各屬曾否得雨尚未報到而池屬

之貴池東流廬屬之舒城等縣望雨尤切俱在虔

誠祈禱再江寧省城見今米價每石中熟米一兩

一錢五分次熟米一兩四分糙米九錢四分恐厘

聖懷理合先為奏

硃批諭旨

下

頁

趙弘恩



聞刻聖合共為奏

一江西省雨水情形惟南康府之星子都昌建昌  
三縣九江府屬之德化瑞昌二縣南昌府屬之南

昌寧州奉新等州縣均自五月內得雨之後未蒙

江西亢旱為時已久朕日夜憂心莫釋而常安總未奏  
普霑膏澤俱飭令各屬勤加修省虔誠祈禱臣

聞不解何故亦在署恭設香案早夜敬謹虔求并令布政司查

勘情形及各屬見今有無得雨另報外理合奏

聞謹

奏

覽

同日又

奏一江南蘇松常鎮等府屬地方支河渠港年久淤

塞難資蓄洩經

題請開浚接准部咨又經酌定條規并按畝捐錢數

日

題覆在案竊捐錢挑濬河渠實有利於田疇各屬民

情無不歡忻鼓舞踴躍疏浚其已挑濬之處頗得

資其灌溉甚為有益其因值農忙未經挑濬者務

於秋成水涸後方得興工臣恐各屬收貯捐錢積

久過多則民間使用不無漸少倘或錢價時昂似

殊批諭旨

下

頁

趙引恩







遙遠請將南昌總兵移駐其地以資彈壓臣以移鎮一事所關甚鉅俟細察情形博採輿論再爲商定覆訖閏四月二十六日續接撫臣常安札云察勘全省形勢分列三隅廣信九江二郡俱係扼要或竟移鎮於廣信廣信參將移於建昌建昌遊擊移於省城抑或移鎮於九江九江副將移於廣信而參遊亦照前更移等語臣再四籌思總兵駐劄於南昌居中爲制勝之形似應仍循其舊或以廣信參將改陞副將於鎮標中酌抽弁兵添增以壯軍威似較舊制更妥等因覆商再行查酌今於七

月十六日准撫臣常安亦以廣信改陞副將復商到臣彼此意見相同除見在會疏另

題請

旨遵行外所有會商辦理緣由理合先爲

奏明并將查明原委另單備錄恭呈

聖鑒謹

奏

更改營制務須洞達地方形勢詳審控扼機宜斟酌至當俾後人無可擬議方爲善舉否則朝設暮移徒滋一番勞擾不特無益於事亦復成何政體耶



同日又

奏一上江各府州屬自五月初旬得雨之後漸次稀少不均亦有受旱之處各屬勤求祈禱至六月十  
奏五以前雖前後報獲雨澤多屬微小未能透足至  
望望十六七八九等日甘霖大沛旋於二十三以及  
奏二十七八九等日并七月初六七日以內又復疊  
日數蒙雨澤田禾均已暢茂秋成有望尚有安慶府屬  
之潛山太湖宿松三縣廬州府屬之舒城滁州所  
屬之來安廣德州屬之建平六安州屬之英山并  
潁州五州縣雖經得雨而高阜之處尚未透足其

下江各屬五六月以來雨澤頗得及時秋成可獲  
豐稔惟上江池州府屬之東流銅陵二縣下江揚  
州府屬之興化淮安府屬之鹽城二縣各得雨較  
少其低窪田禾均各暢茂而高阜禾苗艱於車戽  
者未免受傷臣俱飛飭各縣出給資種勸民改種  
蕎麥雜糧以冀秋收至江西一省前於五月初旬  
得雨之後旋即稀少而南康九江南昌三府所屬  
望雨尤切六月初旬雖間有報獲雨澤者俱皆微  
小至十六七八九等日霖雨滂沱通省各屬具報  
得以普沾者十之八九并稱早禾漸已登場晚禾



亦復茂發尚有臨江府屬之新淦吉安府屬之廬  
陵撫州府屬之樂安南康府屬之星子等縣具報  
六月十七八日得雨未甚沾足亦尚有未據報到  
者俟查明續後有無得雨并報到日期及各省實  
在收成分數另報外所有三省雨水情形恐塵  
返躬內省勤察吏治為要雨暘情形雖據報稱霑足者  
聖懷理合再為奏  
多朕不能無疑焉  
聞

一 本年上下兩江霍邱等州縣前據報有蝻子萌  
動及俱經捕淨取結各緣由經臣先後

奏明欽奉

硃批一面之辭未可遽信為然須更留心體訪的確欽  
此欽遵仰蒙我

皇上恩施教誨指示精詳臣隨即密行查訪節次嚴飭  
在案查前經

奏明之寶山等七縣竝奉賢縣所報生發之蝗蟲俱  
奏已查據各屬結報撲捕淨盡臣均在又行密訪竊  
奏又有續報蝻子萌動各屬除具報旋即撲淨查明  
竝無有傷禾稼者未敢瑣陳外今查尚有續報山  
陽安東沛縣并海州沐陽泰興六州縣暨富安場  
并處萌生蝻子見在嚴飭各地方文武官弁兵役



并令多雇人夫星夜協力捕撲其山陽一縣發生  
地方較多臣并委標員前往查察協同力捕均俟  
各屬撲捕完竣密查明確另報外理合再爲  
奏明謹  
蝗蝻非雨澤可比猶屬人力能爲之事何以至今尚有  
未經捕盡之地耶

皇上同日又

奏一松江沿海塘工臣不時移行承辦各官實力修  
築小心防護以防伏秋二汛茲據蘇州布政使張

渠稟稱親往上海奉南一帶土石塘工逐加查勘  
堅固平穩者居多惟戚家墩西第十八號石工掘  
勘石料較小未能一律整齊其石塘外面新築之  
外貼坦坡日久堅凝查較石塘蓋土低有七八寸  
之處見催工員修築一律告竣至內附土塘填砌  
浮鬆石塘外之外護土塘逐年歲修未見加幫高  
厚而石塘之外護塘之內挑挖引河尚多淺窄又  
金山頭土石二塘之外添築小土塘一道原資捍  
禦金勝二山潮頭此塘土鬆椿浮多被潮坍等情

皇上臣查修築海塘乃我臣基而臣工承辦各員豈可因



皇上爲生民萬世永賴之基而在工承修各員豈可因循草率除飛飭該司逐一委員丈勘明白并咨會蘇州撫臣飛移總理塘工寺臣俞兆岳等嚴飭在工各員將前項苟簡工程一一如式修補一律平穩并令查明確實另行報參又聞塘工一切動用錢糧所有寺臣俞兆岳九年以前文案稱係火燬臣恐其中或有侵冒難開之弊查藩司爲錢糧總匯其一切支放自有卷冊可稽并飭該司務宜查核清楚無任工員糜費開銷并咨移撫臣高其倬會飭確查外理合據實

是

奏明

一本年五月內瓜州關外江邊查子港地方護岸奏歸工坍折丈尺情形并隨據工員搶築完固平整

和批緣由經臣具摺奏

聞欽奉

硃批墾工既經坍折衝決之患定應不免何以未見奏及欽此仰見我

皇聖宵旰憂勤痼瘼民隱無微不至意臣查前項坍臣拆墾工前據瓜州營守備蔣飛鵬稟報竝未報有衝決臣隨檄飭淮揚道等確查尚未文覆因念一

硃批諭旨

下

聖

趙弘恩



切河務時屢... 宸衷未敢緩待是以先卽... 皇奏明旋據揚州府知府高士鑰暨江防同知李焯覆  
又稱前項坍折者乃江厓舊埽工程離城三十餘丈  
和此內係堤岸城濠並無衝決田禾廬舍人口等情在  
聞... 案茲奉

硃批... 又復加確查實無衝決之處理合

奏明謹

奏

覽奏田禾廬舍並無衝決之患可謂出朕意料之外矣

雍正十三年七月二十九日江南總督臣趙弘恩  
謹

奏一據蘇州府吳縣稟稱蘇城於七月二十日午後  
風雨交作有北亭三圖地方忽起龍雨帶坍涼棚  
一箇并被大風吹損城隍廟殿角屋脊茶棚屋角  
等項大樹二株又吹損北元一圖泥土壁巷民房  
四間半南二圖一帶東美等四巷暨朱家園地方  
各民房數間等情前來臣卽飛飭蘇州布政司確  
查賑恤外理合奏

硃批諭旨

下

真

趙弘恩



一據通州分司運判稟稱石港場等地方於七月初三四五六等日連次得雨河水漸長初七日夜至初八日大雨如注河水平岸隨即督率各場大使耆保人等前往沿江沿海一帶地方并移通州州牧會同飭令民田竈場居民築壩開溝預備宣洩隄防隨於初八日午後雨止初九初十等日晴霽河水漸已消退竈地民田一切禾苗花豆俱無浸礙等情前來臣隨飛飭蘇州藩司暨兩淮運司星速委員往勘田禾花豆果否無恙并河水消退情形另報外理合一併

奏明

一安慶撫標兵丁蔣榮貴與民人黃花子互扭被跌在地內傷腸斷身死屍弟蔣必貴係城守營兵丁以懷寧縣相驗不公咆哮不肯收殮復率多人拉扯該縣之轎詈罵辱官肆行無忌撫標中軍叅將王珽並不喝阻已經安慶撫臣趙國麟將鈐束不嚴之安慶城守副將袁有明等并該叅將王珽會叅在案今據該叅將王珽詳稱七月十三日安慶按察使劉柏差安慶府知府郭朝端親持印文云副將袁有明已自洗白遺禍於你若不通詳扯



他將來必受他害等語當將攜來臬司印文囑珽鈔錄并囑通詳至十四日朝端差人持書赴珽取看詳稿珽覆且緩乃私囑懷令陶士傑將未革糧兵丁趙廷相嚴加夾訊只要供係珽之指使珽實不知情其司府之意欲兩相殘害實有憑據等情到臣臣查同城文武應宜仰遵

聖訓和衷共濟於兵民方有裨益臣屢經嚴飭不啻至再今據該叅將所詳大非文武和衷之誼且係叅後反噬而是否確實亦難遽信除嚴飭安慶按察司暨安慶府據實回覆并咨安慶撫臣會查外理

合先行奏

聞謹

奏

所奏不自覺瑣屑乎大凡人之舉動不本諸至誠而涉於心機作用皆無益於己亦無濟於事縱操神術奇策究未有不被識破者惟確秉丹忱無欺無隱任勞任怨纖毫弗事趨避方能邀朕許一是字計不出此而惟權巧迎合是務所謂欲前而却行愈見其拙矣



卷之四  
不  
天  
館

以臣合具  
辦之無事  
突未自  
外心

問  
董  
奏

合





卷一